


Мәләгә

12+

томуловлы журнал
2020 вося рака №2 (2)




Кор збыльмө гуся кӧсйӧм

АНАСТАСИЯ ПИСКУНОВА | 6-9 л.б.



МИЯН ГӱСЬТ –
ПИЛОТ
**Анастасия
Пискунова**

6-9 л.б.



Медводдза
лист бокин
**АНАСТАСИЯ
ПISКУНОВА**

Снимокыс
геройлӱн
архивысь

«Йӱлӱга» («ЭХО») 12+

Шӱр редактор
МАРИЯ АЛЕКСАНДРОВНА ИГУШЕВА

Редакторъяс:
**НАДЕЖДА ПУНЕГОВА;
ЕКАТЕРИНА МИКУШЕВА;
АНТОНИНА МИКУШЕВА.**

Редакциялӱн адрес:
167982, Коми Республика, Сыктывкар, К.Маркс
улица, 229-ӱд керка, 419-420 кабинетъяс.
Тел. 24-12-22, 24-36-49.
E-mail: yologa@mail.ru

Газет йӱзӱдысь:
«Коми йӱзӱдчан керка» Коми Республикаса
автономнӱй учреждение
Веськӱдлысь И.Н.Орӱл
Адрес: 167982, Коми Республика, Сыктывкар,
К.Маркс улица, 229-ӱд керка

Регистрируйтӱс 2018 вося июнь 13-ӱд лунӱ
Роскомнадзорлӱн Коми Республикаын веськӱд-
ланӱн

Регистрируйтан пас:

ПИ № ТУ11-00390 (2018 вося июнь 13-ӱд лун).

Социальнӱй тӱдчанлуна гижӱдъяссӱ йӱзӱдӱма
«Коми йӱзӱдчан керка» автономнӱй учреждени-
еы Коми Республикаса Юралысьлӱн администра-
циян вичмӱдӱм сӱм вылӱ

Авторъяслӱн мӱвпъяс оз пыр лӱсявны
редакциялӱн видзӱдласкӱд


2№ (2)
Тираж – 317
Гижӱдчан индекс – П4365.
«Йӱлӱга» журнал петӱ 2020-ӱд восянь
тӱлысьнас ӱтчӱд, комиӱн
Доныс сӱрнитчӱмӱн

Печатьӱ кырымалан кад:
график сӱрти – 23.03.2020, 16.00
кырымалӱма печатьӱ – 23.03.2020, 16.00
Журнал петас: 27.03.2020

Журнал печатайтӱма «Коми республиканскӱй
типография» ООО-ын дась
оригинал-макетъясысь
Типографиялӱн адрес:
167610, Коми Республика, Сыктывкар,
В.Савин улица, 81
Заказ №

Кыдзи коли
III Войвывса культура форум?.....10-11 л.б.

Болгара Комиын.....12-13 л.б.



Школабердса СМИ
рубрикаын –
«Горадзуль» газет.....16-17 л.б.

Александра Некрасова –
спорта мастер.....22-23 л.б.



Серпасасысь Катерина Киланяц
да сылӱн
«Лист бокияс» фотопроект.....24-27 л.б.

Нималана Маньпупунӱр.....28-29 л.б.

Литературнӱй лист бокин – Алӱна Нестерова.....34-35 л.б.

Печкан — анылӱн видзӱг.....36-37 л.б.

Пусям Даниил Литвинкӱд.....42 л.б.





igusheva
vk.com/yologa

НЫВЪЯС:

енбиаоьсь, повтөмөсь, сюсьоьсь

Март кыпыда заводитчө тувсовъя медводдза гажсянь. Мыйта шань кыв ми кылам 8-өд лунö: радейтанаоьсь, мусаоьсь, меліоьсь, шонді кодь югыдоьсь, дзоридз кодь мичаоьсь... А нöшта? Кутшөмөсь аньяс да нывъяс нöшта? Видзөдлам гөгөрбок. Аньяс быд лун мунöны удж вылө: веськөдлöны ыджыд котыргясөн, каргясөн да канмуясөн, шедөдöны спортын вермөмгяс, видзöны войтырлысь дзоньвидзалун, зильöны полицияын, туйдöны-велөдöны, юксьöны төдөмлуннас, төвзьөдöны миянөс колана ингясө, дасьтöны чөскыд пажын уна сө мортлы, петöны сцена вылө, зильöны наука шөрингясын... Кодкө нималö мир пасьтала, кодкө олö аслас ичөтик мирын.

А мамгяс? Став сьөлөмсяныс радейтöны миянөс, быд пөлөс сьөкыдсө вермасны венны, мед сөмын кагукыслы вöлі бур, мед ичөт (а сэсса верстьö нин) морт вöлі шуда. Быттö мудзсө оз тöдны: тöждысьöны, быдтöны, семьяпытшса шоньд ру видзöны. И сэк жö удитöны водз-мөстчыны уджын, творчествоын.

Тайö номерас кöсьям төдмөдны тиянөс аслыспөлөс да сэк жö дзык миян кодь нывъяскөд да аньяскөд.

Март төлысса гөсьт Анастасия Пискунова висьталö «Йöлөгалы», кыдзи збыльмөдис ассыс кöсьйөмсö да лоис пилотн, «Горадзуль» газетысь Дана Быстрова төдмөдө мамыскөд — коми кыв велөдысь Елена Александровна Быстровакөд. Том спортсменка Александра Некрасова юксьö лыддысьыськөд, сьөкыдö-ö шедөдны спортивной туризмын спорта мастерлысь ним. Парикмахер Анна Пешкина висьталö, кыдзи босьтчöма уджавны ас вылө, а Катерина Киланяңц юксьö аслас удж да творчество йылысь мөвпгяснас.

Видзөдан на вылө да шензян, кутшөм найö зильөсь, енбиаоьсь, повтөмөсь, збойоьсь, сюсьоьсь, вынаоьсь. Полөмсö вунөдöны, мунöны водзö, ассыныс олөмсö тэчöны.

Мария Игушева — «Йöлөгаса» нывъяс пиысь öти

РАКА

ТӨЛЫСЬӨ:

РОССИЯСА ВОЕННОЙ ИСТОРИЯН ВУНОДНЫ ПОЗЫТОМ ЛУНТЯС

Апрель 4-өд лун.
1945 воө тайө лунө
Сөветскöй армия мездис
Братислава кар.

Апрель 9-өд лун.
1945 воө тайө лунө
Сөветскöй армия босьтис
Кёнигсберг.

Апрель 10-өд лун. Айму
вöсна Ыджыд тыш дырйи
Одессаос немецьясыс да
румыньясыс мездан лун.

Апрель 13-өд лун.
1945 воө тайө лунө
Сөветскöй армия мездис
Вена – Австрияса юркар.

Апрель 16-өд лун.
1945 воө тайө лунө
заводитчис Берлин вöсна
тыш.

Апрель 18-өд лун.
1242 воө тайө лунө
Чудскöй ты вылын
Александр Невскийлөн
дружина вермис немеч
рыцарьясöс.

Апрель 25-өд лун.
1945 воын тайө лунө Эльба
дорын паньдасисны
сөветскöй да америкаса
войска.



ВЫЛЬГОРТ

Аддзысьлісны боечьяскөд

СОБР-са боечьяс петкөдісны сямлунсö
вильгортса велөдчысьяслы.

Комиын Росгвардияса Управлениелөн СОБР-ын уджалысьяс паньдасьлісны Вильгортса мөд номера школаын велөдчысьяскөд, Капитан Михаил Чернивский висьталіс челядьлы Росгвардиялөн история да уджын шөр могъяс йылысь. СОБР-са боечьяс төдмөдісны велөдчысьяссөс отрядлөн артмөмөн, аслас быдлунся уджөн, форменнөй паськөмөн да ружьён. Ныв-зон окотапырысь видзөдісны, кыдзи спецназовечьяс кутісны мөвпыштөм преступникөс, мездисны заложникьясöс да петкөдісны киён тышкасьөмлысь приёмьяс. Аддзысьлөм бөрын военнөйяс да Росгвардияын зильысьяс ышөдісны кадетьясöс радейтны да дорйыны чужан мунымөс да матысса-ясöс.

СЫКТЫКАР

Победа матыстысьяс



Сыктывкарса администрацияын культура юкөн котыртөма «Стена памяти» акция. Специалистьяс виччысьöны юркарса олысьяс-сянь Айму вöсна Ыджыд тышын пөгибнитөм матысса-яссыслысь фотографияяс. Тайө снимокьяссыс вöчасны баннер да май 9-өд лун кезлө өшөдасны сійөс «часі увса» площадка вылын, медем ветлысь-мунысьяс вермисны аддзыны геройсöс.

Талун кезлө воөма нин 1.500 фронтөвиклөн снимок. Ставсө виччысьöны матө көкъямыс сюрс фотография. Котыртысьяс корöны пырöдчыны акцияса юркарса быд семьялы.

«Стена памяти» лөсьөдöны Победасянь 75 утыригезлө. Акцияө пырөдчысьлы колө апрель 20-өд лунөдз ыстыны снимок стена-памятикоми.рф сайтө либө пыртны снимоксө татшөм адрес серги: Сыктывкар, Первомай улича, 62-өд керка, «Первопечатник» ООО. Тані фотосö сканируйтасны да бөр сетасны. А чукөрмөм фотояссыс лөсьөдасны баннер да өшөдасны Коммунистическөй да Первомай уличаяс туйвежын.

Миян корр.

ГРИВА, КАЖЫМ ДА ПОДЗ

«Вөркань» Койгортын



Койгортса школаын котыртлісны патриотической десант. Адзысьлөмас сідзжө пырөдчисны Грива, Кажым да Подз сикт-посёлокысь велөдчысыяс.

«Вөркань» военно-патриотической клубысь курсантыяс петкөдлісны ныв-зонлы казак шашкаон сідз шусяна фланкировка да ружьеа акробатика. Юнармияын водзмөстчысыяс вөзйисны велөдчысыяслы чукөртны Коми Республикалысь карта-пазл да өткодявны муниципалитетгыяслы канпасыяс. Унаон, дерт, окотитисны лөсьөдны карта-пазлсө өти минутон, но тайос вермис вөчны сөмын Евгений Богенс. Велөдчысыяскөд сідзжө сёрнитисны, экстремизмысь да терроризмысь видзчысьом йылысь, петкөдлісны теракт дырйи заложникыясөс мездөм йылысь ворсантор. Нөшта юөртисны, кутшөм ыджыд пай Айму вөсна Ыджыд тышын Победа шедөдөмө пуктисны челядь да петкөдлісны Россияса армияон ружьеяслысь макетыяс. Чукөртчылөмыс помасис «Морской бой» ворсөмөн, көні ассыс кужанлунсө петкөдлісны «Вөркань» клубысь курсантыяс да Койгорт сиктысь юнармеечыяс.

«Вөркань» военно-патриотической клубон юөр серти

ЧЕЛЯДЬЛЫ
С.Я. МАРШАК НИМА
БИБЛИОТЕКА

«Эськө төдін кө тэ...»

Любовь Ануфриевалон «Эськө төдін кө тэ...» кывбур ышөдіс челядьлы С.Я. Маршак нима библиотекаын зильысыясөс нуөдны авторыскөд литература паныдасылөм.

Адзысьлөм дырйи 18-өд номера школаын велөдчысыяс окотапырысь кывзисны коми кывбурьяс да юасисны, кызди чужоны гижөдьяс, уна-ө кад колө, медым дасытыны өти кывбур, төдмасисны авторлөн творчествоон да корисны Любовь Ануфриеваос лыддыны ассыс медрейтана да мекузь кывбурьяс. Та кызди челядь ашөра видлісны вуджөдны гижөдьяслысь шөр мөвпсө коми кывсянь роч вылө, и сөмын та бөрын сюся кывзисны, кызди тайө артмөма вуджөдчыслөн. Колө пасыны, мый бөрья воясө Любовь Ануфриева нуөдө өтув удж Екатеринбургсь кывбур гижысь Андрей Расторгуевкөд. Матысса кадө петас небөг, кытчө пырасны авторлөн коми да роч вылө вуджөдөм кывбурьяс.

Адзысьлөм бөрын чукөртчысыяс ас киөн вөчисны небөгө закладкаяс, медым пуктыны найос радейтана лист бокыяс костө, да сёрнитчисны паныдасылыны Любовь Ануфриевакөд нөшта өтчыдысь, өд юалөмыс автор дорө колис уна на.



Алёна Нестерова

Пилот АНАСТАСИЯ ПСКУНОВА

Кор збыльмö гуся кöсйöм



Водз асыв, аэропорт, шонді югөръяс улын дзирдалоны көрт лэбачлөн бордъясыс. Пилотъяслөн кабинаын мича форма, кудриа юрсиа том ныв, сійө дасьтысьө лэбигкежлө... Нывсө шуоны Анастасия Пискуноваон, и неважөн на тайө серпасыс вөлі сылөн медыджыд көсйөмөн, коді збыльмис кольөм во. Настя висьталіс «Йөлөгалы», көні велөдөны лэбавны, сьөкыд-ө нывъяслы водзмөстчыны «мужичөй» уджын да коді ышөдө сійөс сөвмыны лунысь-лун

— Анастасия, медводз төдмөдам тэкөд лыддысьысыясөс, висьтышт ас йывсыяд...

— Ачым ме Сыктывкарысь, 12-өд номера школабердса авиационной классын велөдчөм бөрын пыри гражданской авиациялөн Санкт-Петербургса государственной университетө. 2019 воын босьтэ «аэронавигация» специальность серти гөрд диплом. А сэсся кад воштытөг пыри уджавны Россияса авиакомпанияө, өні ме — мөдөд пилот.

— Кор чужис лэбавны көсйөмыс?

— Сизимөд классын мамкөд ветлім путешествеиө, и меным сэтшөма кажитчис самолётсянь видзөны мир вылас. Сэк и мөвпышти, мый пилотлөн оласногыс меным эськө лөсяліс — ог радейт өтилаын пукавны, пыр окотита мыйкө вьльтор аддзывны, төдмавны. Сэк жө удж-велөдчөмын ме кывкутысь. Да и ачыс лэбөмыс, сынөд-енэжыс кажитчө. Пилотлөн удж медводз вөлі гуся көсйөмөн, коді вочасөн вуджис могө, а сэсся збыльмис да лоис менам олөмөн.

— А кутшөм воськовъяс тэ вөчин, медым збыльмөдны тайө могсө?

— Школаын велөдчигөн на класснымөс быд вежон нулісны авиациякөд йитчөм быдсикас экскурсия-занятие да аддзысьлөм вьлө. Но медьёна меным отсалісны йөз, кодъяс уджалөны тайө нырвизь сертиыс. Накөд сёрни ышөдіс мунны водзө, венны мытшөдъяс. 11-өд классын миянөс нулісны сідз шуяна>>

лэбач — птица
лэбавны — летать
енэж — небо



>> Звёздной городокö. Кор аддзан космо-навтыясöс, тшöтш и найöс, кодъяс сöмын на дасътысöны асланыс медводдза лэбöм кежлö, куим пöв ёнджыка пондан водзмöстчыны. Медым пырны университетö, коліс тыртны физ-норматив. Дасътысигөн быд лун вöлі котöрта вит километр, лым кöть зэр. Юрын пыр бергаліс мöвп: весиг войтыркостса космической станцияын олысьяс быд лун тайö вит километрö котöртöны. Тайö юöрыс эз сет меным куйлыны диван вылын.

— **А вöліны-ö отсасысьяс?**

— Матысса йöз век вöліны ме дор, кыдзи вермисны отсалісны. Но век жö быдөн тöдіс, мый тайö медводз менам мог, и пöртны сійöс олöмö ковмас сöмын меным. Кутшöмсюрö тöдсаяс эз эскыны, шуöны вöлі, тэнад пö оз артмы. А ёртъяс, мöдарö, медводдза лунсяныс сöмын бур сиисны. Найö и öні орччөнöсь, век дасьöсь кывзыны, отсавны.

— **Авиационной вузын нылыд, дерт, этша. Ті зонъяскöд öти тшупöдын вöлінныд?**

— Группаын вöлі нель ныв, и быдөн мян пöвстысь быд звук вермис петкöдлыны, мый тані абу сідз-тадз. Чайта, велöдчöмын да практика дырйи петкöдчим сідз жö, кыдзи и зонъяс, а корсюрö и бурджыка на. Нельнанным кывкутöмөн велöдчим, эгö дышöдчöй. Тайö и тшöтшъяяс, и велöдысьяс аддзисны, пыдди пуктісны.

— **Велöдчынытö сьöкыд вöлі?**

— Быдсяма мытшöдыс паныдасьліс, но купшöмöскö öтиöс торйöдны сьöкыд, дум вылö нинöм оз усь. Öд велöдчи ме сэні, кытөн окотиті, а сідзкö, быд мытшöд нуöдіс менö водзлань. Тайö мöвпыс век отсаліс кутчысьны.

— **Медводдза лэбöмтö, чайта, некор он вунöд...**

— Öні студентъяс заводитöны лэбавны мöд курс бöрын, а менам велöдчигөн гожся практика вылö мöдöдчим медводдза велöдчан во помын нин. Практикаыс вöлі мöд карын, ми олім аэродром вылын — збыль. Быд асыв вöлі чеччам, занимайтчам, сдайталам зачөгъяс да... виччысям, кор нин лэдзасны лэбны. Медводдза допуск сетісны чужан лунö, и тайö лои медся дона козинөн. Мöд асывнас нин пукалі ичöтик самолётын, коді вежис менсьым олöмöс. Тайö луннас штурвал сайын гөгöрвои — енэжöдыс и муно менам олöм визьöй.

— **Кутшöмөн колö лоны пилотлы?**

— Мортыд вермас лоны кывкутысьөн, кужны öдйö корсьны мытшöдысь петан туй, овны дисциплина торкавтöг, но пилотлы быгь колö радейтны ассьыс уджсö. Уна сюсь, крепыд дзоньвидзалуна морт шыбитіс велöдчöмсö

сы вöсна, мый локтис авиацияö ыджыд сьöмла либö «мамлөн тшöктöм» серти...

— **Эм-ö профессионазын сэтшöм морт, кодi тэ-ныд лоö примерöн?**

— Кор босьтисны удж вылö, чайтi, мый та вылын ставыс, коли сöмын сьöлөмсянь зильны, но эм и мöд олöм. Неважөн төдмаси öти пилотессакöд, уджалö миян авиакомпанияын. Видзöда сы вылö да гөгөрвоа — ставыс лоас бур. Тайö аныс ылö лэбалам магистральнöй самолётын ыджыд опыта командир-инструктор. И сэк жö семьяпытшса олöмас ставыс лючки-ладнö: радейтана верöс, кык кагук. И öнi, кор шуöны, мый миян коддöмлөн шуда семья оз вермы лоны, ог эскы. Ставыс ас саяд.

— **Тэнад уджыд зэв аслыспөлöс. Ми, пассажирьяс, аддзам сöмын ортсысö, а кутшöм сийö пытшкöссияныс?**

— Нöшта на бурджык! (*нюмьялö*) Пилотьяс — абу прöста мича формаа йöз, найö ёрта-ёртыслы ыджыд семья, тайö гөгөрвои велöдчигөн на. А самолёт абу сöмын транспорт, тайö морт кийн ловзьясь механизм, көрт лэбач. Ме шуда, кор лэба, шуда, мый орччөн бур интереснöй йöз, а öшинь сайын вьль мича иньяс. Радейта ассьым уджöс.

— **Тöда, мый снимайтчан, серпасасян, спорт радейтан, та вылö прöст кадыд эм?**

— Весиг позянлуныс унджык лои. Серпасасьны кутi тшöкыдджыка, тайö аслыспөлöс шойчöг. Кор лун-лун тэ водзö пуктöны стöч лыдпасьяскöд йитчöм могьяс, тэнö кытшалö техника — серпасасьöм отсалö вунöдчыны, заводитан мөвпавны мöд ног. Путешествуйтны тшöтш радейта, воддзасьыс на ёнджыка, сэтшöм окота став мирсö аддзывны. Но и спорт — менам бур ёрт, кор эм кад, котрала, ислала сноубордöн. Но медтшöкыда менö позьö аддзывны йи вылысь, ичöтсянь радейта коньки.

— **Настя, аттьö, мый аддзын кад сёрнитны «Йöлöгакöд». Бөркыв пыдди мый эськö сиин лыддысьысыясы?**

— Нимкодясьöй быд лунөн, видзöдöй гөгөр — миянöс кытшалö уна шемöсмöданатор. Олöмыд öти, и сийö чуймöдö лунысь лун ❖



Сёрнитiс Мария Игушева
Снимокьясыс Анастасия Пискуновалөн

Войвыв культура

ТОМУЛОВЛӨН СИНМӨН

Март 11-13 лунъясö Сыктывкарын мунис Войвыв культуралы сиём коймөд форум. Куим лун чöж культураын, туризмын, наукаын зильысьяс сёрнитисны Войвылын культура сөвмөдөм йылылсь. Кутшөм мытшөдъясөн паныдасълöны, мыйöн вермасны отсавны ёрт-ёртлы, кутшөм выль проектяс вылын уджалöны. Форумö пырöдчысьяс юкисны öта-мöдныскöд выльторъясөн да мөвпъясөн. Кызди тöдчöдöны гөсьтъяс да спикеръяс – форум отсаліс лөсьöдны уна регионын зильысьяс костын топыд йитöд

Войвыв — Север

Пырöдчысьяс —
участники

юксыны — делиться

уджтас — проект



Motion дизайн —
видео дизайн

Форумсö Комиын нуöдисны коймөдысь нин, выльторйыс таво уна. На пиысь öти — «Креативные индустрии» томуловлы сиём лун, сійöс котыртісны медводдзаысь. Кодъяслы вöзйисны уна сикас мастер-классö, аддзысь-лöмъяссö, «гöгрöс пызангьяссö»? Дизайнеръяслы, серпасасьысьяслы, йöктысьяслы, налы, кодъяс вöчöны мыйкö тöдчанатор, выльтор культура нырвизыын. Восьтіс «Креативные индустрии» уджтас панельнöй дискуссия, кодöс нуöдис ашшөр продюсер, «ДК Громын» арт-директор Дмитрий Мильков. Дис-

куссия водзын спикер лыддис неыджыд лекция, медым гөгөрвоодны, мый жö сэтшöмыс «Креативнöй индустрия». Креатив — выль-ног, аслыспөлöса мөвпалöм. Сійö отсалö видзöдлыны культура вылö мөд боксянь.

Экспертъяс лыдын вöліны паськөм дизайнер Стас Лопаткин, motion дизайнер Евгений Дружинин, дизайнер Андрей Люблинский, «Tequila Dance» йöктан школа котыртысь Артур Кондраков да культура, туризм да архивнöй удж кузя республикаса министр Сергей Емельянов. Найö юкисны тема вылö ви-

дзодласнас да висьталісны, мыйын водзмөстчоны асьныс.

– Тайо зэв тодчана, мый ми сёрнитам креативной индустрия йылысь. Да, эмось ыджыд карьяс, юркарьяс, коңи тайо нырвизь серти совмыныто кокниджык. Но ми тодам, мый уна выль, аслысполос уджтас пансисны буретш ичот карьясын. Чайта, Сыктывкар вермас лоны сэтшом карон, коңи позьо нимаवны ыджыд проектон. Та могысь колоны татчос водзмостчысь йоз, карон веськодлысьяслон окотитом, бизнес да эксперт-донъялысья, – кывкорталіс сёрнисо Дмитрий Мильков.



Та бoryн томулов да экспертъяс юксисны некымын пельо. Россияса motion дизайнерьяслон отмуном котыртысь (тайо отмуномыс мирын медся ыджыд) Евгений Дружинин висьталіс асьто совмодом йылысь. Они быд мортлон эм позянлун аддзыны зэв уна велодчантор отуввезыын, коло сомын окотитны совмыны да кужны корсьны колана юор. Сыктывкарын чужлом-быдмылом Евгений висьталіс олөм йылысь, юксис оня студентьяскод аслас велодчан вояс йылысь казтыломьясон.



Кыдзи шедодны вермомьяс дизайнын, абу ко съом? Тайо юалом вылас вочавидзис Россияса художникьяслон союзо пырысь Андрей Люблинский «Дизайн как искусство вызывать удивление и восторг окружающих» мастер-класс дырйи. А кыдзи нажовитны съомсо радейтана удж вочигон, висьталіс нин «Tequila Dance» йоктан школаясон веськодлысь, йоктыны радейтысь Артур Кондраков.



Матыстчо гожом, а сидко, енбиа томулов кутасны зильны веськавны и мукод форумьяс выло. На лыдын культуракод йитчом медыджыд аддзысьлом, дерт жб, «Таврида». Артур Попов – комиын форум восна кывкутысь – висьталіс сэтчос сменяя йылысь да ышодіс томуловос ветлыны Крымю. Та кындзи, «Югор» шоринын паськодчисны выставкаяс, фотозонаяс. А лунсо кывкорталіс АнтохаМС-лон «Чаща» лофтын концерт



Мария Игушева
Снимокьясыс «ВКонтактеын»
«Северный культурный форум» группаыс

Комиын ми абу гөсьтъяс



Роза — Болгариялөн
аслыспёлс пас

Миян республикаын олöны уна сикас войтыр: роч, украинеч, азербайджанеч, армяна, татар, немеч, француз... А талун окота висьталыштны болгар йылысь. 2019 воын Сыктывкарын болгаралөн национально-культурной автономияын председателявны босьтчис Галина Костова. Питирим Сорокин нима Сыктывкарса канму университетын болгар кыв велöдысь дзик пыр лоис уна сикас гаж-аддзысьлөмö пырöдчысьöн да выль проектяс дасьтысьöн. Сыöдз автономияөн веськөдлiс Илия Данчев, кодi лои том анылы туйдысьöн да отсасысьöн.



КЫДЗИ БОЛГАРА ВЕСЬКАЛIСНЫ КОМИ МУÖ?

Кыдзи тöдса, тайö войтырыс волiсны Комиö кольöм нэмся 70-öд воясö уджавны Удора районö, кышöдалiсны уна судтаа керкаяс, челядныслы — школа-садъяс, мичмöдiсны йöргяс. Öдвакö кутшöмкö район сийö кадö вермис ошйысьны карса кодъ кинотеатрöн да фонтанöн. Но 1990-öд воясö ставыс торксис-вежсис. Уналы ковмис мунны бөр чужанинас. А öд кызь сайö во олiгад болгар гöтрасисны, налөн чужисны челядь, кодкö эз мун Комиысь, кольччис овны. Öни нин налөн челядвнукуыс водзö паскөдöны ассыныс вужъяссö.

Мыйта болгара олö республикаын талун, стöча некод оз тöд. Бөръя, 2010 вояс, перепись серти Комиын татшöмыс вöли матö витсö морт. Медунаöн вöли олöны Сыктывкарын, Удора районын да Воркутаын.

БОЛГАРАЛÖН АВТОНОМИЯ ДА МОГЪЯС

Медым не вунöдны ассыныс вужъяссö, кыв-культура-традициясö, 2005 воын Усогорскын котыртчöма болгаралөн общество. Тавояс

февраль помын найö пасйисны нин 15 вося тшупöда пас. Сыктывкарын болгара öтувтчисны национально-культурной автономияö (НКА) сöмын 2010 воын. Тайö вöли медводдза автономия, кодöс регистрируйтисны Россияын.

Котырлөн медшöр могыс — видзны болгаралысь меддонаторсö — кывсö да культура-традициясö. Таысь кындзи нöшта на и сöвмöдны да вуджöдны тайö озырлунсö быдмысь войтырлы, велöдны найöс овны мукöд войтыркöд öтвылысь шаня да зыксытöг.

Котыр нуöдö уна сикас аддзысьлöм-гаж. Тайö и республикаса челядьлы С.Я.Маршак нима библиотекаын том лыддысьсысьяскöд аддзысьлöмгъяс; Коми Республикаын болгаралөн лунгъяс, кытчö пырöдчылöны и Удораын олысь болгара; республикаын олысь болгаралөн челядькöд фотосессияс. Быд во П.Сорокин нима Сыктывкарса канму университетсакöд öтув котырлöны научной конференцияс, кытчö волöны и суйöр сайын олысь болгара. 2018 вося сентябрын автономия озырмис «Дивна роза» творчества котырöн, кодi азыма пырöдчö юркарса культура олöмö. Топыда уджалöны и Москваын болгаралөн культура институткöд.



Здравстуй! —
Здравей! —
Видза олан!

До свидания! —
Довиждане! —
Аддзысьлытöдз!

Весна — пролет — тулыс

Ручей — поточе — ёль

Солнце — слънце —
шондi

Подснежник — кокиче —
лымдорчана

Ласточка — лястовица —
джыдж, чикыш

Аист — щъркел — аист

Улыбка — усмивка — нюм

Конфеты — бонбони —
кампет

*Щ — сочетание 2 звуков Ш и Т,
Ъ — произносится, как коми Ö*

МУЗЕЙ

Таво автономия бердын воссис музей. Сэни нель тематической стенд. Öти тöдмöдö историян, сы кадсянь, кор медводдза морт — фракиец — волöма болгаралөн муö да талунгъя лунöдз. Культуралы сиöмын паськыда висьтавсьö кыв, шылад, хоро, кухня, гончар, кысьöм да вышивайтчöм йылысь. Коймöд стендсыс позьö аддзыны важ снимокгъяс да архивса документгъяс, висьтавсьö и Коми да Болгария костын ёртасьöм йылысь. Нельöд стендсö сиöма Сыктывкарлөн вок карлы — Ловечлы. Тайö юкöныс ёна на паськалас, öд Ловечса общинакöд йитöдыс, ёртасьöмыс пыр на сöвмö. Чукöртöма нин альбом дасьтöм вылö фотографияс.

А музейса экспонатгъясыс восьтöны Болгариялысь мичлунсö да аслыспöлöслунсö. Тайö болгаралөн гажгъяс кежлö сiдз шусяна атрибутгъяс — кукергъяс, сурвачкияс, писанкаяс, мартеницаяс, розаяс. Чукöртöмаöсь найöс автономияын водзмöстчысьяс. Найö жö и вермасны дугдывтöг висьтавны-юксыны болгаралөн национальной паськöмлөн аслыспöлöслунöн, керамикаысь тасьтi-паньöн, кодöс зэв аслысногөн мичмöдöма-серпасалöма, торгьялана вышивкаа салфеткаясөн да уна мукöдторйөн.

ЭМÖСЬ И ВОДЗМÖСТЧЫСЪЯС!

Верстьöджык активистгъяскöд öтув зильö и томудов: студентгъяс, школаын велöдчысьяс, челядь. Унакöд лои сёрнитöма, сетöма юалöмгъяс. Ставыс öти гижöдад оз и тöр. Но медшöрыс, мый менö шензöдiс, посниджыкгъяслөн висьталöмторйын — Комиын пö ми абу гöсьгъяс. Такöд тшöтш болгара пыдди пуктöны ас войтырыслысь кыв, культура да традиция, окотапырысь ёртасьöны Болгарияса Ловеч карын олысьяскöд.

Повтöг да нимкодпырысь пасьталöны национальной костюм, велöдчöны йöктыны хоро — öтувгъя танец, кöни йöктысьяс кутчысьöны кинас либö ёрта-ёртыслы коскас (колö пасйыны, мый быд регионнын хороыс торгьялö), ворсöны йöзкостса инструментгъясөн. Нималана гайды — болгаралөн воынка — юргö зэв мичаа да быдöнлысь вöрзöдö сьблöмсö. Сытöг оз коль ни öти гаж.

Болгаралөн сёян-юантор йылысь позьö нöшта на унджык гижны. Сэни уна град выв пуктас, йöла вöлöга, яй, чери да, дерт жö, уна сикас специя. Но та йылысь паськыдджыка висьтала коркö мöдысь ❖

Надежда ПУНЕГОВА
Снимокгъясыс Сыктывкарын болгаралөн национально-культурной автономиялөн архивысь

Болгаралөн национально-культурной автономияын водзмöстчысьяс — **Анна Дубравина, Диана Данчева, Марина Гаврилова** да **Даниил Голяш.**

Налөн отсöгтöг оз коль ни öти аддзысьлöм-гаж

Чужан кыв — миян озырлун

Дасьтыны да нуодны «Йозлөн бурлун – тайо чужан кыв» проект мөвпыштöма Олег Исаков, Питирим Сорокин нима Сыктывкарса госуниверситетын велөдчысь. Тайо уджтасыс 2018 воын Санкт-Петербургы н босьтис коймөд места «От волонтерства к социальному проектированию» форумын

Салехардысь
Екатерина Витязевалөн
снимокыс —
вермысьяс лыдын



Проектлөн символ — Ошпи

«Йозлөн бурлун — тайо чужан кыв» проект збыльмөдны босьтчисны 2018 воын. Уджтас дасьгысьяс көсйисны, мед томулос төдісны финн-йöгра войтырлысь кыв, культура, история, сөвмөдісны творческөя мөвпалөм, пыдди пуктісны да видзисны ас кыв.

Том йоз төдмасьöны финн-йöгра легендясөн, ворсөмгясөн, сыланкывгясөн, приметаясөн. Проект öтувтö уна сикас квиз ворсөм, творческөй паныдасьöм, дебат, коми кыв кузя интерактивнөй курс, мастер-класс, форсайт-сессия, видеоконкурс, фото да видео-эстафета да сідз водзö. И мый төдчана, быд во мыйкө выльтор нуөдöны.

Тавося февральын акциясö котыртлісны коймөдысь нин да, кызди и век, нуөдісны сійöс чужан кывлөн войтыркостса лункöд йитöдын.

Та пöрйö быдсикас гаж-аддзисьлөм муніс кык лун чöж. Февраль 21 лунö Сыктывкарын томулос жуглісны юр «Кыв — миян озырлун» квиз дырйи. А Мыддін районса Мылва посёлокын библиотека нуөдіс #родной язык.точка.коми акция. Лыддысьянінө быд пырысьлы коліс вочавидзны юалөмгяс вылө да ускөдны дум выланыс коми кывгяс. Пырöдчисны акцияс ичöt и верстьö.

Инта карса 8-өд номера школаын нуөдісны «Коми кывлы сьөлөмсянь» этнокультурнөй фестиваль. Гаж öтувтис карса став велөдчанинсö. Тані юргисны коми поэтыяслөн кыв-бурьяс, сыланкывгяс. Видзöдысьяслы петкөдісны фольклор подулын постановкаяс, литературно-музыкальнөй композицияс, мойдгяс, йөктөмгяс.

Республикаса став кар-районын тайё луно мунисны ворсөмъяс, аддзысьлөмъяс. Унаон пырöдчисны акцияö отуввез пыр, йöзöдисны чужан кывкöд йитчöм фото да видео. Фотоэстафетаын вермысьсөн лоисны: Салехардыс Екатерина Витязева да Йошкар-Олаыс Ольга Кузьмина.

— Проектс сетö позянлун сөвмыны меным кызди гаж-аддзысьлөмъяс котыртысьлы, видлыны кужöмлунöс методика боксянь ворсөмъяс лöсьöдöмын. Та кызди уджтас тöдмöдö мукöд регионъясыс выль ёртъяскöд, накöд, кодъяслөн тшöтш öзйö синныс. Татшöм томулос тöждысö ас чужан кыв вöснаыс, — висьталö проект котыртыс Анна Махотина.

Проектлөн эм и аслас логотип. Кор «Йöзлөн бурлун — тайё чужан кыв» уджтассö нүдöдисны медводдзаыс, пырöдчысыс вöли сöмын Комиыс. Колис дасыны сэтшöм логотип, кодö эскö вöли гөгөрвоана ставныс-лы, да сэк жö вöли аслыспöлöс, коми руа. Та могыс уджтас дасытысяс шусины мичаа серпасавны «Ö» шыпас. Öнi акцияö пырöдчöны дас финн-йöгра регионсыс томулос.

— Во мысти нин думыштим, мый колö пас, медым позис вöчны, рочөн кө, мерч: кружка, блокнот, футболка, баннер да мукöдтор. Тадзи чужис миян ёрт — Öшпи. «Ö» шыпас эз вош — сийö мичмöдö Öшпились футболкасö. Көть сийö ичот на, но көсий велöдны да тöдны финн-йöгра войтырлыс кывъяс, тöдмасын налөн культураөн да сөвмöдны том йöз пöвстын быдтор тöдны көсийöмсö.

Кутам лача, мый проект кутас и водзö быдмыны-сöвмыны Öшпикöд тшöтш

Дарина Сизганова
Снимокъяс «Йöзлөн бурлун — тайё чужан кыв»



Фотоэстафетаын мöд вермысь Йошкар-Олаыс Ольга Кузьминалөн снимок



Проектлөн бöртас лыдпасьясын:

Акцияö пырöдчылис матö 30 сюрс морт

Регионъясын акция вöсна кывкутöны 9 координатор

Нүдöдма нин чужан кыв вылын 35 квест

отуввезыин йöзöдöма 200 видеоролик да 350 фото

СМИ-ын петалис 25-ыс унджык статья

Уджтаскöд ёртасын 15-ыс унджык котыр-организация



Горадзуль — Шонді рёма дзоридз



Серпасыс
Арсений Булышевлюн



Медводдза лист бокын:
«Югд ва» парк, Кадам ты,
Ыб сикт, искусство
гимназия. Изьва районса
Галпедь сикт (тані быд во
кыпыда пасйоны Иван лун),
Василий Кандинский, кодї
босьтчёма серпасасыны
коми печканьясыс да
джодждораясыс серьяс
аддзылом бõрын.

Та йылысь и гижомась
гимназистьяс
«Горадзуль».

*Вõли сійõ Му пуксигõн на. Лэбис-кыпõдчис
вылõ енэжлань утка-чõж, изйõн шыбитчис
помтõм море-океанас да пõрис му-матуш-
каõ — коми Пармаõ. И овмõдчисны войвывса
паськыд юяс пõлõн Парма пиян — зыряньяс.
Вõрьскõд и ваыскõд лагõн-артõн олісны. И
таысь вõр-ваыс пõттõдз вердїс-юктõдїс
найõс. Сõмын тай лымйыс вывтї нин дыр
кежлõ вевттьыліс мусõ да, гажтõм лолїс кузь
тõвья рытъясõ зыряналы.*

*Казяліс налысь шог-гажтõмсõ мича Зарань,
Шондї-Енлõн ныв. Кыдзи нõ отсавны Пар-
ма пиянлы? Рагейтліс Зарань ворсны сизим
рõмõн пõртмасьясыс шондї югõрьясõн. И
шуис лэдзны найõс Му вылõ.*

*Зарни войтъясõн разалїсны-киссисны шондї
югõрьяс юяс пõлõн да вõр бокьясõ. Вужьясисны
небыд муõ да быдмисны мича дзоридзьясõн
— горадзулясõн.*

*И быдмõны сэксянь войвылын горадзуляс,
шондї рёма дõраõн вевттьõны мусõ. Вигзõ-
ны Шондї-Енлõн ныв — Зарань — сьлõмлысь
шоньдсõ, и некор нин оз бырны Парма му-
ысь.*

Татшõм легенда лõсьбõдлісны матõ кызь во
сайын искусство гимназияын велõдчысыс
«Горадзуль» слёт кежлõ. Сэки жõ, 2002-õд вося
октябрõ, мõвпыштїсны лэдзны художествоа
да публицистика гижõдьяса альманах. Ним-
тїсны «Горадзульõн» жõ. Тавоя январын петїс
50-õд номер. Сэтчõ чукõртõм гижõдьяссõ
дасьтõма кык уджтас серти. õтиыс сїõма
чужан мунымлы, а стõдджыка кõ — гимна-
зистьяс мõвпыштлїсны, мый эськõ петкõдлї-
сны Комиõ воõм суйõрсайса гõсьтыгясы.

Мõд уджтасыс — «Восьса енэжтас». Сїйõ
õтувтõ сиктса школаясын газет дасьтысысõс.
«Горадзульõн» 50-õд номерын йõзõдõма
Кõрткерõс районьыс «Том корреспондент»
кружокын велõдчысыясыс гижõдьяссõ.

2018 воын «Горадзуль» лоис школьнõй прес-
салõн ставроссияс конкурсын лауреатõн. Том
журналистьясõс корлісны Москваõ, медым
сетны налы МГУ-ысь журналистика факуль-
тетса Учёнõй сõветлысь приз. И висьталїсны,
татшõм вылõ пõ донъялім сы вõсна, мый аль-
манахныд паськыда тõдмõдõ этнокультураõн,
а ныв-зон гижõны комиõн и рочõн. Лыддим
пõ «Горадзультõ» да аддзим, кутшõм ёна ка-
житчõ тїяны ставыс, мый вõчанныд, да
сьлõмсянь гижанныд та йылысь асланыд пе-
тасõ.

Öтувтö муслун

Зарни, муса, дона морт – тайö менам мамук! Мир пасьталаысь став мамсö öтувтö челядь да олöм дорö муслун. Менсьым мамöс шуöны Елена Александровна Быстровайн. Сийö менам сьөлöмшөрöй, мича дзоридзöй. Сьөлöмнас кылö менсьым дойöс, жугыль руöс, пыр и аддзас шоныд, шань, мелі кыв. Нюмъевтас да, быттö малыштас ловтö

Ухтаса 16-öд номера школаын мамöй велöдö Коми мулысь история да культура. Чужанін да ас кыв дорö муслунсö сөвмөдöмаöсь бать-мамыс – Валентина Михайловна да Александр Николаевич Максимовъяс, Ыбса школаын да Коми пединститутын велöдысьяс Зинаида Егоровна Смирнова, Николай Юрьевич Пальшин, Тамара Ивановна Прокушева, Эльвира Ивановна Полякова, Ольга Васильевна Ведерникова, Татьяна Анатольевна Гудырева, Светлана Николаевна Терентьева, Валентина Ивановна Паршукова.

– Чайтсьö, быттö тöрыт на ачым ичötөн вöлі. Кызди казгышта, век радпырысь ветлывлі школаö. Видзöді, кызди Зинаида Егоровна нубдö уроксö, донъялö миянöс, и аслым окота лоис велöдны, – висьталö мамöй.

Мамлөн урок дырйи челядь комиён сьылöны, коми мойдьяс серти дасьтöны да петкöдлöны сценкаяс, быд во гижöны öтувъя коми диктант. Урокъяс кежлö пö дасьгысьны отсалöны и «Коми му» газетын, «Йöлöга», «Войвыв кодзув», «Арт» журналъясын йöзöдöм гижöдьяс. Директорыс, Евгения Юрьевна Тутолмина, тшöкыда жö воывлö да кывзö мамлысь урокъяссö, класснöй часьяссö.

Менам мамöй и спорт радейтö, сьлөн эм «ГТО» зарни значок. Кужö вурсьыны да кысьыны, менö тшöтш таö велöдö.

Мамöй чужöма-быдмöма Ыб сиктын. И пыр ветлывлö сэтчö. Сэні чöв-лөнъ, сынöдыс сöстöm: нимкодясян пуясөн, дзольгысь шоръясөн, сьылысь лэбачьясөн, енэжөн. Ыбын мамкöд ми ветлывлам вежа ваа ключьяс дорö,



велöдысь – учитель

чужан кыв –
родной язык

медся бур ёрт –
лучший друг

тшак-вотöс вотам. Сиктын лолыд шойччö, и сэтшöм мича сэні – кöть серпасав.

Чужан му, чужан кыв – тайö кывъясыс быд мортлөн, тшöтш и мамлөн да менам олöмын век орччөнöсь.

Мамöй меным – медся бур ёрт! Ме сийöс пыдди пукта да ёна радейта. Муöдз копыр сылы терпеннöсьыс ❖

Дана Быстрова

Анна Пешкина:

Эн пов вельторйысь

«Йөлөгә» журналлөн лист бокъясын кутам төдмөдны водзмөстчысь томуловкөд, кодъяс уджалоны ас вельө. Окота паськыдджыка гижны том предпринимательяс йылысь, кодъяс нинөм вельө видзөдтөг збыльмөдöны көсиймъяссө. Төдмасьöй – парикмахер Анна Пешкина. Тавося гожöмын сылөн «Peshkina Studio» ашөр уджлы лоö во. А кокни-ö уджавны ас вельө? Торйөн нин том войтырлы. Анна радпырысь висьталіс, кызди лои парикмахерөн да восьтіс ассьыс ИП.

ас вельө уджалысь —
частный предприниматель

юрси — волосы

удж — работа

— Школаын велөдчи бура, позис бөрйыны кутшөмкө мөд уджикас, — висьталө сійö. — Но ме пыр вөлі творчества мортөн да стöча төдi, кытчö водзö муна велөдчыны. Сетi документгяс юркарса 34-өд лицейö — меным дзик пыр и шуисны, мый босьтісны велөдчысьяслөн лыдö. Кыдзи и мукöдлаын, вөлі и сьöкыдыс, и кокниыс, но лунысь-лун кужан-лунöй содiс. Мөдөд курсьян заводитi нин уджавны, вочасөн кыпöдi сямöс.

Диплом босьтөм бөрын Анна дзик пыр заводитöма уджавны, содтöд на велөдчöма. Зильöма пыр мыйкө вельтор төдмавны, а такöд öтшöтш нимкодьясьöма радейтана уджөн.

— Некымын во парикмахерскöйын уджалөм бөрын шуи аслым, мый колö мыйкө вежны, — висьталө том ань. — Тайö вөлі кывкутана воськов, и, дерт, ме полi, но нинөм эз коль весьшөрö. Колö уна вын, колана ногөн документ дасьтыны кужөм. Чайта да, ставыс артмас, радейтан кө ассьыд уджтö. Öнiя кадö ме дорö унаөн воывлöны, и ичöt арлыда, и верстьö войтыр. Быдөнöс радпырысь вочаала Эжваын меститчөм аслам ичötик, но югыд парикмахерскöйын.

Анна серамсорөн казытылö, кызди медводдзаясь шырöма мужичöйöс. Куим час чöж! Ставыс артмöма, но зэв уна кад та вельö мунöма. Öнi пö 25-40 минутөн вöча быдьяма причёскасö. Да и төдö, кызди моднöя шырны юрси либö краситны.

— Некымын во чöж нин радейтöны краситны юрси сiдз шусяна балаяж, шатуш, калифорнийскöй мелирование, омбре, аригач техникаяс öтсöгөн, — шуö Анна. — А кызди шырсьыны быд морт бөрйö ас сертиыс, видзөдö, мый лöсялö, но тшöкыда корöны вöчны «косясьлөм» либö «быдмөм» чёлка.



— Колö стöча төдны, кутшөм удж воö сьöлөм вылад — тайö медшöрыс. Дерт, ковмас ёна уджавны, эскыны аслад вынö, зильны водзö — и таысь, дерт, мыйкө артмас. Эн пов вельторйысь. Он кө видлы, некор он төдмав, тадзи колöма вöчны.






Чайтам, Анналөн примерыс отсалас томуловлы збыльмөдны гуся мөвпгьяссö. А мөд лист бокын том парикмахер вöзйö 15 минутөн кудритны юрси. Татшөм мастер-классыд кажитчас уна аньлы. Сiдзкö, быть сюркнялöй пель саянды вöзйөмгьяссö.

Екатерина Микушева
Снимокьясыс Анна Пешкиналөн гортса архивысь

Дас вит минутон

кудриа юрси

Кутшом ныв оз кӧсйы лоны мичаӧн? Баситчӧм-краситчӧмтӧг некыдз. Анна Пешкина вӧзйӧ 15 минутон кудритны юрси. Но мый, босьтчам?



ТЭНЫД КОВМАС:

юрси мольӧдан утюжок, лак, юрси кутантор.

1. Торйӧд став юрситӧ кык пельӧ, а сӧсся торйӧд ӧти прать, кыдзи петкӧддӧма фото вылын.
2. Пратьсӧ «курчы» да кокныдыка гаргышт утюжокӧн, нуӧд юрси заводитчӧмсяньыс помӧдзыс (вӧчны юрлы горизонтальнӧя, утюжоксӧ ас гӧгӧрыс гартовтӧмӧн).
3. Артмис чыкыль. И тадзи жӧ муӧд пратьыскӧд вӧч.
4. Юрсилысь ӧтар джынсӧ кудритӧм бӧрын босьтчы мӧд юкӧнӧ.
5. Бара торйӧд пратьяс, а сӧсся кудрит.
6. Сюся видзӧдды, эз-ӧ коль кутшӧмкӧ прать. Рез лакӧн — и 15 минутон кокныдык причёска дась.



Мортлөн меддонаыс – тайө кад

Мария Стяжкина – съөмөн вөдитчыны велөдысь, бухгалтер, предприниматель, «О финансах просто» курслөн соавтор, «КЫТШ» öтүв сөвман шөринлөн соучредитель. Велөдчылөма экономистö Ськтывкарса канму университетын «Бухгалтерский учёт, анализ и аудит» специальность серти.

■ stazhkina_mariya

«Йөлөгә» журналлөн медводдза номерын сёрнитим финансөвöй грамотность йылысь. Водзö мянөс виччысьö уна интереснöйтор. Быд юалөмөн, быд воськолөн воөдчам колана юөрөдз, төдөмлунөдз.



Снимкыс öтүввезйысь

Кутшөм морт йылысь позьö шуны съөмөн вөдитчыны кужысьөн (финансово грамотнöйөн)? Мыйла тайö нырвизь серти төдөмлуныс торйөн нин колана том йөзлы? Мөд юалөмсö гөгөрвоөдөм могысь вайөдам роч шусьөг – «Если б молодость знала! Если б старость могла!».

Мортлөн меддонаыс – тайө кад. Томуловлөн ставыс водзын на. Уна кывкутана воськов ковмас вöчны на, а öни колö велөдчыны, кыпöдны төдөмлун. Бура кө велөдчан да пыдисянь гөгөрвоан, пöртан олөмö уджмогтö. Гөгөрвоана, мый та могысь съөмөн вөдитчан төдөмлуныд быть колö.

Кутшөм сийö финансово грамотнöй мортгыс?

1. Водзö вылö лөсьөдö-пуктö могъяс.
2. Төдö, кыззи найөс пöртны олөмö.

Мый сэтшөмыс финансөвöй мог?

Мог – мортлөн зильөм-нырччөм, медым шедөдны колана бөртас. Могыс и ышөдö мортсö.

Финансөвöй мог – тайö съөма мог. Мый тайö татшөмыс? Шуам, приставкалы ворсөм сулалö 2100, а чужан лунлы сийм рытпук – 8500 шайт. Нöшта колö пасйыны могсö олөмö пöртан кад йылысь. Бара жö пример. Приставкалы ворсөм колö төлысь мысти, а чу-



«Друзи с финансами» — РФ-са финансыяс министрстволон уджтас. Сайтын уна колана юөр

жан луныд лоё июныын. Мый вочны, медым кыкнанторыйыс лои тэнад?

Тані ковмасны ФГЧ-лөн (финансово грамотный человек) тёдөмлун:

-сьом, бюджет да ассыд вочөмтор-воськов тёд вылын кутөм;

-сьом йылысь колана юөр;

-сьом воөм-бырөм арталөм.

Нинөм сьокыдыс абу? Вай стөчмөдам.

Водзө вылө мөвпалөм (планируйтөм) — ас-киа лунө могъяс пөртөм могъыс кад да вын колана ногөн видзөм. Кыдзи бурджыка вочны, медым збыльмөдны көсьөмгьастө? Бара жө вайөдам пример. Заводитам машина, и сийө уджалө. Сийө оз мун, а двигательыс сөмын уджалө. Нинөм оз вежсы, но бырө бензин, машиналөн вөдитчан кадыс чинө, сөстөм сынөдыс этшаджык лоө.

Мөдтор — тайө бокө либө бөрө мунөм. Позьө жө шуны, мый некутшөм пөльза таысь абу, но ми өд мунам. Тайө практика, кужанлунным содө. Но верман өд и сорсыны да вешыны индөм туйысь.

Коймөдыс — водзө мунөм. И тайө бур, өд ми вөдчам колана могөдз. Быть колө адзыны став мытшөдсө, мый паныдасяс туй вылад, да кежны наысь. Колө вочны сідз, медым он сибды да машинаыд оз жугав. Сөмын тадзи ми матыстчам колана инөдз.

Дерт, мортыд абу машина. Но мортлөн уна сикас мог овлө, а машинаыдлөн пырджык өти — кодөскө кытчөдзкө нуөм.

Висьтав, кутшөм төдөмлун-сям тэнад эм нин? Эм-ө тэнад финансөвөй мог? Мый нин сяммин сы серти вочны?

Апрель төлысьө пукты ас водзад сьөма неыджыд мог, думышт, мый колө вочны, медым пөртны сийөс олөмад, Эмөсь юалөмгьас? Шы-өдчы!

Россияын уджалө «Друзи с финансами» национальнөй проект. Со мый вөчөны мөд регионъясын, медым паськөдны войтыр пөвстын сьөмөн вөдитчыны кужөм.

Вологда обласът, 26.12. 2019.

Вологдаса аканьяслөн театр бура ветліс гастрольөн обласътса сизим районө, петкөдліс «Иван Рублёв и Копейкино счастье» финансөвөй грамотность кузя мөйд. Спектакльсө пуктөма регионса программалөн сьөм вылө. Мартсянь спектаклыс пырас театрлөн пырся репертуарө.

Алтай край, 27.12.2019

Алтай крайын воссис финансөвөй грамотность серти вожатөйяслөн школа, коді дасъ-тас гожөм кежлө матө 80 велөдысьөс челядь лагерьяслы да бөрдөдчан шөриньяслы. Россияса Минфин мөвпалө восьтыны татшөм школаяссө РФ-са 15 субъектын.

Регионъясын, 03.02.2020

Волгоградын, Новосибирскын, Петрозаводскын, Горно-Алтайскын да Чебоксарыын заводитчөма «Транспорт финансового просвещения» юөр сетан кампания. Автобусъяс вылын да пытшкын лоө меститөма колана юөр финансөвөй безопасность серти.

Позьө видзөдны: «Слишком крут для неудачи»

2011 во, 16+



Пукты ас водзад сьөма неыджыд мог, лыдды, кымын ковмас сьөм, думышт, мый колө вочны, медым пөртны сийөс олөмад

Артмис чөжны сьөм? Пукты списокө пас

Ме көсья...

СЬӨМА МОГЪЯС, КОДЪЯСӨС МЕ КӨСЪЯ ЗБЫЛЬМӨДНЫ

1. _____ колө _____ шайт
2. _____ колө _____ шайт
3. _____ колө _____ шайт
4. _____ колө _____ шайт
5. _____ колө _____ шайт
6. _____ колө _____ шайт
7. _____ колө _____ шайт

Сэтшөм на том, а спортса мастер нин!

Сыктывкарса гуманитарно-педагогическэй колледжын физкультура юкёнын медбөръя во велөдчө Александра Некрасова. Ичөтсяньыс ныв ёртасьё спорткөд. Эм тай сылы кодлысь босьтны пример! Мам-батыс нывлөн оз вермыны овны спорттөг, кыкнанныс водзмөстчөны туризмын, аскөдныс быдлаё ичөтсяньыс новлөдлөны тшөтш и челядьнысё. Пыр туйынөсь, пыр кытчөкө мунёны да кытыськө локтёны. Ёртъясыс тшөтш окотапырысь накөд уналаё ветлөны.



Александракөд (Сашанас кывйөй оз бергөдчы шуны, өд том морт спортивной туризмын спортса мастер нин) аддзысьлөм-сёрнитөм бөрын син водзё колис шоныда нюмъялысь, вильыш синма ныв, кодй нинөм дзебтөг висьталё аслас олөм-вылөм йывсьыс. И сэк жё сёлөмнад кылан, мый том мортлөн эм кутшөмкө пытшкөсса вын, кодй, тыдалё, и отсалё сылы шедөдны вермөмъяс.

Александра чужөма Сыктывкарын. Бать-мамыс уджалөмаось спортивной туризм кузя тренерьясөн. Та вөсна нывнысё водз сувтөдөмаось лызь вылө, котрөдлөмаось, велөдөмаось вөр-ваын колана ногөн овны. Медводза ордйысьбөмыс Александралөн вөлөма сизим арбөсын нин.

А сы бөрын, школаас велөдчигөн, том морт видлөма ассьыс вынсё некымын спорт сикасын. Ислалөма конькиён вит во, уялөма сизим во, пырөдчөма кокни атлетикаө, котралөма лызьён, ышмывлөма скалолазанньёөн, спортивной ориентированньёөн, котралөма карта-компасөн.

Но медьёна сёлөм вылас воөма спортивной туризм, мыйөн медводз и заводитлөма занимайтчыны мам-бать вылас видзөдөмөн. Тайö спорт сикасас пө он мудз, өд сэни он сөмын котөрт кокөн либө лызьён, но и карта отсөгөн вуджан-венан мытшөдъяс — тайö нин техни-

ческӱ юкӱнгъяс. Гожӱмнас ордӱйсӱмгъяс мунӱны вӱр-ваын, палатка-бипур дорын. Котыртчывлӱны турслӱгъяс, кӱнӱ спортсменгъяс оз сӱмын ордӱйсъны, но и серпасасъӱны, сълӱны гитара шы улӱ, дасътӱны ичӱтик сценкаяс. Туристгъяслӱн командаяс пырӱдчӱны и МЧС-ӱн котыртӱм «Безопасность школа» да «Том спасатель» ордӱйсӱмгъясӱ, кӱнӱ колӱ кужны сетны медводдза отсӱг, вуджны уна мытшӱда маршрут.

Со тайӱ спорт сикасас Александралӱн и эмӱс нин гырыс вермӱгъяс. Ныв унаыс нин вӱлӱ Россияяс первенствоясын призӱрӱн да вермысӱн. Дас квайт арӱсӱн сӱйӱ шедӱдӱс спорта мастерӱ кандидатлыс ним, а таво со вӱчӱма колана норматив да лӱма спорта мастерӱн нин. Вот молодец!

— Тренируйтча пӱшти быд лун кӱрт туй вокзал сайын, «Динамо» лызӱн котралан базаны, — висъталӱс Александра. — Сӱнӱ жӱ котрала кокӱн и лызӱн, ӱнмӱдча, технической юкӱнгъясин ачымӱс песа. Кӱтъ спорт уна кад босътӱ, пукта уна вын и велӱдчӱмӱ, аддза кад и мукӱдтор вылӱ.

Кор юалӱ, мися, кутшӱмджык мортӱн асътӱ лыддян, ныв шуис, мый сӱйӱ зӱв кывкутыс, нӱшта сылы кажитчӱ выльтор тӱдмавын, уналаӱ ветлыны. Таяс кындзи сӱйӱ пуктӱ ас водзас колана могъяс да пӱртӱ найӱс олӱмас, оз пов мытшӱдгъясыс.

Нӱшта Александралы пыр кажитчылӱмаӱс интереснӱ йӱз, кодъяскӱд пӱ абу гажтӱм, кодъяслыс ӱм мый босътны да мыйӱ велӱдчыны.

Медбӱрын нин том мортлы кори юксыны ас водзас матысса вояс кешлӱ пуктӱм могӱн. И тӱданныд, мый сӱйӱ шуис?

— Куим-вит воӱн меным окота на ордӱйсъштны да лоны вермысӱн. А сӱсся босътны тӱдӱмлунгъяс вузын да пырны уджавны.

Ме чайта, нывлӱн кӱсӱӱмыс пӱртгъяс олӱмӱ. Виль вермӱгъяслань, Александра! Да мед ӱн сконгъясъ (тыпу-тыпу-тыпу)!



уявны — плавать
 ордӱйсӱм — соревнование
 мытшӱд — преграда



Надежда Пунегова
 Снимокъясыс Александра Некрасовалӱн



Лист бокъяс


#килькаиблокнот

Катерина
Киланянц

Воронеж карысь
серпасасысь



Катерина йылысь гижод
верманныд лыддыны
26-27 лист бокъясысь




#килькаиблокнот хэштег серти «Инстаграмын» позьё аддзыны мато кокъямысдас снимок. На вылын Катерина Киланянцлөн серпасъяс. Нывлөн блокното овмодчөмаоьсь автобусын сыкод тшотш муньсь йоз, пуяс, керка йоръяс, кафеын кофе юысьяс, пызан вылын куйлысь эмбур, матысса йоз, пембосьяс...

Ылі муястї ветліг-мунігьясысь тайо лист бокьясö кольоны мича ингьяс, шоныд казтылөмгьяс.

Фото улын ныв юксö мөвгьяснас, сьблөмкылөмгьяснас, висгялө олом да творчество йивсыс, пасйө, мыйон вөлі төдчана луныс, мукөдырйи гижыштө, кутшөмон вөлі поводдяыс. Видзөдан серпас вылө, лыддян пасйөдсө да быттö тшотш веськалан сийө инас да кадас...

Лист бокьясö дзесьбөмаоьсь Катериналөн олом здукьяс, и колө сөмын восьтыны сийөс, медым серпасыс ловзис, а пуяс вылын кокныд шоныд төвруысь вөрзисны корьяс...



Катерина Киланянц

«Блокнотой век съорысь»

серпасасьысь —
иллюстратор,
художник
кад — время
аддзыны — видеть

Дерт, казялінныд нин — журналлысь медводдза лист бок мичмөдö выль логотип — мича, кокни, кыпыд лола. Серпасалис сійөс «Йолёгалон» бур ёрт Катерина Киланянц, Воронежысь том серпасасьысь. Катериналысь уджъяс: серпасъяс да снимокъяс йөзөдлім немын во сайын. И со ылі карысь ныв бара на мян лист бокасын. Та пöрийө том серпасасьысь юксис мянкөд творчество да олөм вылө видзөдласнас.



Чужлөма Катя неыджыд карын — Тамбовын. Сизим арөсөн нывка медводдзаысь мунөма художествоа да музыкальнөй школаясö, гижөма кывбуръяс да шылад. А школа помалігөн гөгөрвоөма, мый медбура сылөн артмө серпасасьыны.

— Век неуна завидьтылі челядылы, кодыяс быдмисны творчествоа ру пытшкын. Менам мам-бать абу художникъяс ни гижысьяс, но найө век ышөдісны менө, эз жалитны сьом быдсикас краска-кабала вылө, — казътылө челядырсө Катя.

Кор воөма кад бөрийны велөдчанін, ныв паныдасьлөма уна мытшөдкөд. Ёна көсйөма велөдчыны иллюстраторө Москваса Печать институтын, ветлывлөма просмотръяс вылө, дасьтысьөма экзаменъяс кежлө. А сзсыя төдмалөма, мый институтö босьтөны сөмын найөс, кодыяс во джын ветлөны сэтчөс курсъяс вылө. Семьяын та вылө сьом эз судзсы. Виччысьтөмторсьыс шөгө усьөма, көсйөмөй пө чиньштис. Да и ачыс Катя содтө, мый дас сизим арөснад ёнджыка мөвпалөма радейтана зон йывсьыс, коді кольчөма чужан карө. Та вöсна овмөдчөма Воронежын: өти боксянь, тайө ыджыд кар, а мөдсянь — Тамбовыд нывын. А татчөс педуниверситетса графической дизайн факультет лоөма Катериналы alma mater-өн.

Серпасасьысьяс пөвстын уна самоучка, налы академической төдөмлуныд оз и ков. Но, Катерина серти, бур вузын енбия мортөс кытшалөны ас коддьөмъяс, творчествоа олөм, конкуренция, велөдысьяс. Татшөм аслыспөлс руыс велөдчигөн нывлы абу тырмөма, но

век жё университетын Катя велалёма дасъ-тыны проектяс да быд удж вайодны помодз.

Диплом дорйём бёрын миян героиня сьёлмсыныс босычёма уджэ, серпасалёма неыджыд типографиялы небөгъяс, уджалёма гортсяныс.

— Гортад эськэ зэв лосьыд, но вочасён кутіс гаж бырны йозыс. Та вёсна и муні офисэ дизайнеравны. Уджаланіной лосьыд вёлі: неыджыд, кшыд. Матё во зілі сэні, а сёся гогөрвои, мый тайё тшупёдыс помасис, да бара понді уджавны гортсянь, — висьталё Катерина. — Ме пыр мыйкэ корся, видла вынос выльторйын. Кад выло серпасася, коммерческой нырвизьё босытчыла жё, ёні тшөкыдджыка кугі мөвпавны небөгъяс дорё иллюстрацияс серпасалём йылыс.

Ас выло уджалігөн колё кужёмён вөдитчыны кадён. Катеринылы таын отсалё лун-вежон-төлыс кежлэ могъяс пунктём. Та кын-дзи ныв уджалё кад серти: 50 минут зільё, 10 минут шойччө. Кор узян-олан, сёян режим серти, он вунёд физкультура йылыс да бура, кшыда колялан прөст кад, сэк и уджавсьё кокныда. Колё пё лоны ас водзад кывку-тысьён. Фрилансерьяс, весиг нималана йёз, овлэ, уджтөг кольёны, төлыс, мөд, коймөд... И тайё повзёдө, но век жё фрилансын эм уна буртор: уджалан, кор дасъ, верман зільны мича кофейняын көть паркын, оз ков асыв-сянь рытөдз пукавны кабинетын. А нөшта пё оз ков йёз тыра автобусын журьявны — нюмъялігыр содтө Катя.

Сідз шусяна вдохновение выло нывлөн аслас видзөдлас, сійё пё любительяслы колё, а мортлы, коді уджалё творчестваын, быть пуксыны пызан сайё да вөчны асыс уджсө бура. Овлёны пё и интересной корёмъяс, и сэтшөмъяс мыйыс пөсь ни көдзыд. Но Катерина зільё пөртны олөмө заказчыкыс корёмсө сідз, быттё тайё колё медводз аслыс.

Медым удж эз дышөд да вайис шуд, серпасасъыс вөзйё водзмөстчыны вывтіасьтөг, прөст кадэ — шойччыны. Коркө и ачыс войяс, шойччан лунъяс удж сайын колявлёма. А ёні дүдэ серпасасъны сэк, кор выныс эм на, оз видзчыс мөдз. Но блокнотыс век сьёрсыс — локтас кё мөвп, бур көть тешкодъ, пырыс пыр пасйыштө, мед оз вун.

— Творчество — тайё ачыс олөмыс, сійё, мый сьёлөмөдзыд йиджэ, и тайё абу сөмын искусство. Позьё творческой пусыны, быдтыны кагукъясөс, машинаөн журьявны, — юксё видзөдласнас Катерина. — Творчествоын эм радейтчөм, асьтө да кадсө аддзөмкылөм. Кад, кор тэ видзөдан мог выло, аддзан виччысьём петан туйяс да лоан таыс шудаён.



Катялөн гуся блокнотыс серпасасъ донъялөй 24-25 лист бокыс



Олөм выло татшөм видзөдласыс сетө Катялы позянлун водзмөстчыны уна-уна нырвизыын. Кор юалі, кодён, мися, көсийн уджавны нөшта, Катя кутіс лыддьөдлыны: суйөрсайса кывъясыс вуджөдчыс, велөдыс, саридз туялыс биолог, гижыс, режиссёр, психолог, стилист, массажист, весиг пинь бурдөдыс. Ставыс пё, көні оз ков повны дзоньвидзалун да олөм вёснаыд.

— Зільөй вөчны сэтшөмтор, мыйыс сьёлөм выланыд долыд, мый радейтанныд, мый аслыныд интереснө, — вөзйё «Йёлөга» лыддьысъяслы Катерина Киланянц ❖

Мария Игушева
Снимокъяс Катерина Киланянцлөн гортса архивыс

Кимöститчан Маньпупунёр

кимöститчан –
волшебный, магический
сёртöм – изваяние

Матö 600 миллион во сайын Му шар вылын артмисны Урал гöраяс. Найö нюжалöны Войвыв Ледовитöй океансянь казах пустыняöдз. Татчöс вөр-ваыс да поводдяыс шемöсмöдöны унасикасунöн да аслыспöлöслунöн. Тöвнас Войвывкытшса Уралын овлö 50-60 градус кöдзыд, а Лунвыв Уралын гожöмнас шондöдлö 40 градусöдз. Крут кыртъяс, визув юяс, важ пещераяс быттьö магнитöн кыскöны ас дораныс туристъясöс... Дерт, Ураллöн медмича да нималана инъяс лыдö пырö Маньпупунёр, кодi меститчö Мылдин районуын, Печора-Ылгыдса заповедникын

Мань-пупу-нёр гöра вылын – манси кывсянь вуджöдсьö кыдзи «идольяслөн ичöt гöра» – сулалö 7 из бöлбан. Медичöтлөн судтаыс – 30 метра, медыджыдлөн – 42. На пöвстысь öти – 34 метр судтаа – меститчö бокын-джык, а мукöдыс быттьö радöн сувтöмаöсь джуджыд бужöд весьтын. Важöн прöстöй йöзлы эз позь кайны бöлбанъяс дорö, сэтчö вермисны веськавны сöмын шаманъяс, медым кыпöдны да ёнмöдны ассьыныс вын. Маньпупунёр и öнiя кадö лыддысьсьö морт вежөрö гөгөрвотöм инöн. Сэни быттьö веськалан мöд мирö. Ветлысь-мунысьяс висьталöны: кор плато вылын кыпöдчö тöв, кылö аслыспöлöс муралöм, быттьö из бöлбанъяс сёрнитöны öтамöдыскöд. Абу дивö, мый Маньпупунёркöд йитчöма зэв уна легенда. Вöзъям лыддысьсысьяслы тöдмасыны на пиысь öтиöн.

Коркö важöн Урал гöра бердын оліс зэв озыр да шуда йöгра котыр. Веськöдліс сійöн ён да мудер Куушай, и вöлі сылөн мичаысь-мича ныв Айюм. Олісны найö хрустальысь вöчöм дворечын. Öтчид Урал гöралөн мöдар бокын олысь Торев тöдмаліс Айюмлөн шемöсмöдана мичлун йылысь да шуис сы вылö гётрасьны. Но нывка эз кöсйысь. Торев ёна дöзмис да корис великан-вокьяссö бырöдны Куушайлысь котырсö, а Айюмс кöсйис мырдöн босьтны гөтыр вылö. Уськöдчисны великанъяс йöгралөн кар вылö, да пансис ыджыд тыш. Сэки Айюм шыöдчис Ялпынгнерлөн бур ловьяс дорö да корис найöс юөртны лёк лöбмтор йылысь Пыгрычум вокыслы, кодi буретш тайö кадас вöрасис. Недыр мысти ён вели-



дон босьтöмөн

кангяс мырдөн пырисны йӱгра котырлӱн карӱ да пасыйисны хрустальсы дворечсӱ. Айюмлы матысаясыскӱд ковмис пышйыны. Сийӱ здукӱ, кор великангяс вӱлны нин дасьбьс кватитны Кууцайлысы нывсӱ, виччысытӱг петкӱдчис Пыгрычум. Сийӱ перйис кимӱститчан видзӱг, кодӱс сетисны сылы бур ловгяс. Щит вылӱ веськалӱм шондӱ югӱр пӱртис Торевӱс да великангясӱс изйӱ. Тадзи и артмис Маньпупунӱр...

КЫДЗИ ВОӱДЧЫНЫ ИЗ БӱЛБАНГЯСӱДЗ?

Маньпупунӱрӱдз позьӱ воӱдчыны кык ногӱн: пода туйӱд либӱ вертолӱтӱн. Бӱргьяис сьӱм серти тӱдчымӱн донаджык да лӱсъялӱ туристгьяслы, кодгьяс оз радейтны уна лунся походгьяс. Пода туй абу кокни, уна километр ковмас мунны пармаӱд — кӱнсюрӱ абусь посгьяс, а ӱна зрӱм бӱрын туйгяссӱ кырӱдӱ сы выйӱдз, мый колӱ выльысы керавны увгьяс да дасгыны ветланӱнгьяс. Быгь колӱ босьтны аскӱд и вир юысы гут-гайгысы видзчысян сорас, сӱдзжӱ кӱтасьӱмысы да чизыр тӱлысы бура видзысы паськӱм.

Кык во нин новлӱддӱ туристгьясӱс Маньпупунӱр дорӱ Изываысы Алексей Ларионов. Медводз сийӱ заводитис ветлыны из бӱлбангясӱдз тӱлын, а ӱни котыртӱ и гожся тургьяс.

«КИМӱСТИТЧАН МАНЬПУПУНӱР» ГОЖСЯ ТУР

Турсӱ котыртӱ «Ирбис» ООО
Ветлӱм вылӱ колӱ 5 лун
Урчитӱм кад: июнь-сентябрь
Туристгьяслӱн котырӱ пырӱ 6 морт

Комсомольск-на-Печоре посӱлокӱдз туристгьяс воӱдчӱны ашпӱра: автобусӱн, таксийӱн либӱ машинаӱн.

МЕДВОДДЗА ЛУН

Комсомольск-на-Печоре посӱлок — Шожым-Печораса кордон

9:00 Асылын туристгьяс петӱны машинаӱн Комсомольск-на-Печоре посӱлокысы да воӱдчӱны Уньядин сиктӱдз (150 км). Сзсы пуксьӱны аэропыжӱ да кывтӱны 80 километр Шожым-Печораса кордонӱдз. Мунӱгмоз кжалӱны Канин Нос изйысы сӱртӱм дорӱ. Нылын меститчӱ и нималана Канинса пещера, но пырны сэтчӱ оз лӱдзны.

Шожым-Печораса кордонын туристгьясӱс виччысыӱны жар пывсян да чӱскыд вӱлӱга. Пӱсь сӱянӱн гӱсьтгьясӱс номсӱдлӱны Печоралӱн джуджыд кыр йылын сулалысы беседкаын. >>



Торре-порре-из



Тӱвся мойд

2008 восянь Маньпупунӱр пырӱ Россияса сизим мед шемӱсмӱдана ин лыдӱ


Кӱсьян ас синмӱн адзвывны нималана Маньпупунӱр?

Шьӱдчы
Алексей Ларионов дорӱ
8 912 183-56-17
телефон пыр
либӱ ӱтуввезйын:



Канин Нос





ДОН БОСЕТӨМӨН

Визув Печора ю да Урал из

>> МӨДӨД ЛУН

Шожым-Печораса кордон — Вөлөгдаса граньын гөра лагер

8:00 Сөйөм бөрын туристгяс кывтöны аэропыжөн нöшта 80-90 км Урал гөраөдз. Тани Печора ю заводитö петкөдлыны ассыс крут сямсö, но ветлөм-мунөм та вöсна лоö нöшта на ышöданаөн. Төдчана ингяс — Медвежий Камень да Койп пирамида гөраяс.

Водзö мунöны подөн 14 км гөра лагерөдз.

15:00 Пажын бөрын, кадыс кө тырмымөн, туристгяс ветлөны Европа-Азия пас дорö да Печора ю вомö.

19:00 Рыгтя номсасьөм, узымөдчөм.

КОЙМӨД ЛУН

Маньпупунёр плато

8:00 Сөйөм бөрын турист котыр мунö платөдз 10 километр. Маньпупунёрлысь аслыспөлөслун донгялөм вылө вичмөдөма 2-3 час. Из бөлбангяс кындзи туристгяслөн эм позянлун нимкодгясны мича гөраясөн, крут кыртгясөн, шемöсмөдана ю чукыльясөн да Торре-Порре-Из платоөн, кодi матö 10 километр нюжөдчөма лунвивсянь войвылө.

Пажнайтөм бөрын туристгяс бөр локтöны гөра лагерö.

19:00 Рыгтя номсасьөм, узымөдчөм.

НЁЛЬӨД ДА ВИТӨД ЛУНГЯС

Вөлөгдаса грань вылын гөра лагер — Комсомольск-на-Печоре посёлок

Сийö жö туйөд, Шожым-Печораса кордонын узымөдчөмөн, вождчöны Комсомольск-на-Печоре посёлокөдз.

Туристгясöс нудöны ыджыд опыта инструкторгяс. Став котырö быгть пасйöны МЧС-ын, быд гидлөн эм спутника телефон.

Мый колö аскөд босьтны да кыдзи пасытасьны Маньпупунёр дорö ветлөм-мунөм дырйи, позьö лыддыны «Ирбис» ООО-лөн «ВКонтактеын» лист бокысь

Дасьтiс Антонина Микушева
Снимокгясыс Алексей Ларионовлөн,
Арик Киланянцлөн да öтывезийыс

Мылдін район

Мылдін район меститчө Коми Республикалөн асыввыв-лунвылын, Вылыс Печора юлөн вожын. Асыввывсыянь районсө кытшалёны Урал гөраяс, рытиввывсыянь — Тиман кряж



МЫЛДИН РАЙОНЛӨН КАНПАС (ГЕРБ)

Канпас вынсьөдан лун — 22.12.2005

Авторыс Александр Жидков

Мылдін районлөн канпас — тайё гөрд щит, зарни национальнөй серён мичмөдөм турунвиж му вылын сулалё шуйгавылё видзөдыс зарни йөра. Щитлөн вылыс шуйга пельöсын — Коми Республикалөн канпас.

Геральдика щитлөн подув — турунвиж эрд — петкөдлө мулысь турунвиж эжөд.

Коми Республикалөн канпас висьталё, мый Мылдін район пырö республикаса районъясь лыдö.

Районлы эмблемаөн бөриймаөсь йөраөсь, сы вöсна мый тайё зверыс олö сэтчөс вөръясын, та кындзи Печора-Ыльдзса заповедникын эм йөра видзанін.

Йөралөн сюр — шонді югөръяслөн пас — лыддысьсьö йөзкост вына видзөгөн, быд омöльысь видзанторйөн да тшөкыда паныдасьлө керка пыранінын либö оланін пытшкын.



Артмис 1931 вося февраль 20 лунö

Юрсикт — Мылдін посёлок

Ыдждаыс 40.601,12 км²



Нималана иньяс: Печора-Ыльдзса заповедник, Маньлупунёр плато, из болбаньясь, Якшаса йөра видзанін, Лёк-Из кырт, Уньяса, Канинса да Ош пещераясь

МЫЛДИН РАЙОНЛӨН КЫП

Заповедные леса шумят листвой,
Небосвод залит малиновой зарёй,
А Печора от Урала воды чистые несёт,
И от этой красоты душа поёт.

Улетели к югу клином журавли,
На широких крыльях лето унесли,
И на долгих восемь месяцев суровая зима
В снежный плен возьмёт деревья и дома.

Это — Троицко-Печорская земля,
Это «малая», но родина моя,
Край лесов, болот и рек,
Не забыть его вовек.
Это — Троицко-Печорская земля.





Чилимдінса горка

Рем Николаевич Ермолин

Чилимдін — сикт, көні кызвын олысьыс — старöverьяс, асьыныс культурасо видзыйс войтыр: найо комилон да новгородсаяслон көлена. Быд во сиктын муно «Чилимдінса горка» — важ йозкост гаж, кодос 2004 воын воли шуома республикаса тшуподаон. Они «Горка» овло онас кыкысь — Иван луно (июль 7-од луно) да Петыр лун дырйи (июль 12-од луно) — да важ моз отувто став чилимдінсаос



Мужичёйслөн паськём

КОСОВОРОТКА-ДӨРӨМ да **ГАЧ** новлісны быдлаын. Дөрөм вурлісны ас кыём да ньобөм дөраысь: помазаяысь, шөвкысь, вурунысь. Пасьтавлісны дөрөмсө лэдзалөмөн либө вөнясьлісны. Гач веқджык вөлі пемыд рөма.

Нывъяс да мужичёйяс век **ВӨНЬСЬЛІСНЫ**. Чайтісны, мый вөнъ видзө көзяинсө став лёкысь да омөлысь.

Кокас новлісны чөлөс пөдөшваа кучик көмкот — **СТУПНИ**. Пөдөшваыс кутчысис пу тув вылын.

Кытшын йөктөм-сьылөм водзын ставөн вөлі мичаа вөччөны. Важ паськём — чилимдінса культуралөн озырлун, кодөс төждысьөмпырысь вуджөдөны көленаысь көленаө. Водзын «Горка» дырйи Чилимдінса нывъяс удитлісны вежны мича сарапансө луннас куимысь.

Быдлунъя паськём вурлісны ас кыём дөраысь, а вөччан паськём — дона да мича дөраысь (шөвкысь, бархатысь, репсысь).

РУКАВА — кык юкөнысь артмөм дөрөм. Вылыс юкөнсө вурлісны донаджык дөраысь (шөвк), пельпомын меститлісны мөд рөма сіз шусяна полика либө ластовица. Стансө (дөрөмлысь улыс юкөнсө) тшөкыда вурлісны ас кыём либө бумазая дөраысь. Воротникас вурлісны парчаысь векныд визь — «борок».

Дөрөм вылө пасьтавлісны **САРАПАН**. Велькыд сарапан вурлісны нель дөраысь, а косоклиннөй («лопатина») — куим дөраысь, бокас нөшта содтылісны кык клин. Сарапан кутчысис векни вольтыяс вылын, кодъясөс, кыдзи и сарапанлысь вылыс юкөнсө, доралісны югъялан шөвк лентаөн. Водзсяныыс сарапансө чукөртлісны кулисаөн, бөрсө — чуқыръясөн. Бөждөдыс вурлісны зарни мишурнөй галун да тугъяс. Вөччан сарапан вөлі 15-20 сантиметрөн кузъджык быдлунъяысь.

Сарапан вылө көртавлісны **ПАРТУК**. Вылыс юкөнсө чуқыртлісны, бокъясас вурлісны кузь көртгөдъяс. Партук сіз жө, кыдзи и сарапан, мичмөдлісны зарни тугъясөн, увсө да бокъяссө доралісны шөвкөн.

КОРОТЕНЬКА — векни вольтыяс вылын кизясьтөм косоклиннөй душегрея, кодөс содтөд пасьтавлісны гаж дырйи том нывъяс.

ХАЗ — нывлөн юртас (корона) сямя паськыд юр кышөд, кодөс мичмөдөма вышивкаөн, бисерөн да стеклярусөн. Овлө вөччан да быдлунъя. Пасьталөны кокошниксө чышгъян улө.


ПЛАТ — аныслөн юр кышөд. Меддонаөн лыддысьсө конофатнөй чышгъян. Сійөс вурлісны зарни вышивкаөн мичмөдөм топыд шөвкысь. Нөшта эм репсөвөй, парча чышгъян — медмича да озыр плат.

Дасьтіс Евгения Карманова

1974 воын

йөзкост серпасалысь Р.Н. Ермолин дасьтіс «Усть-Цилемская горка» картина, көні петкөдліс «Чилимдінса горка» ансамбльын сьылысь-йөктысьяслысь репетируйтчөм





«Кымөрөдзыс качлы, Чепөльт аслыд шуд...»

Алёна Николаевна Нестерова гижё Алёна Старцева, Алёна Тувсовъя нимъяс улын. Чужліс Көрткерөс районса Ыджыдвиддзын. 2002 воын помавліс сэтчөс шөр школа, 2007 воын Сыктывкарса канму университет национальнй филология специальносът серти. Уджавліс коми кыв велөдысьөн, öні зільö С.Я. Маршак нима челядьлы библиотекаын. Верөсыскöд быдтöны куим челядьöс



Йöктыссьö кө, йöкты.
Съывсьö? Сідзкö, съыв!
Мыйта ликмас, öкты
Кышyd съыланкыв.

Шог кө суас – шогсъышт,
Синва петö – бöрд.
Чöвлуныслы вoссы.
Мортыд – абу көрт.

Енэжöдзыс качай
Жугыль кадö тшуп:
Кымөрөдзыс качлы,
Чепөльт аслыд шуд.

Тöд, мый тэнад водзын
Уна гажа лун.
Мойвиас на соддзөн
Гумовтлыны юм.

Сунгысь вөр-ва мичас,
Нинöмысь эн пов.
Козьнав ловлы личöд,
Нюмъялöмön ов!

Ме эськö Тувсовъя, да кузь тулыс. Дыр ог пуксъыв гижöд саяд, көть эськö Владимир Тимин ас кадö велöдліс, гижысьыдлы пö бытöн колö көть öти кывбур строчка быд лун блокнотад пасйыштны, мед киподгуйыс оз быр. Со и көсьыси аслым саридз дорö ветлігкості гижны вит кывбур. Мый вöчны? Лоис быд рыт пуксъыны да гижны. Дерт, тырвийö кывбурыд мырдöннад оз артмы, колö, мед мыйкö тэнö вөрзёдас, либö мед волан кольöма вөрзёдана здукас. Но век жö, кор тэ быд лун мыйкö мөвпалан, Кывсö корсян, асьтö удждан, сэк сэсса воас колана здукыс. Казытыла, нель кывбурыс дзуртöмön гижис, а тайö, витöдыс, ачыс артмис, другöн шывгис тетрадь лист вылö. Бöрас, гижысь ёртъяскöд юкси да, буретш сійö жö съөлöм выланыс воис.

Мыйла пуксъö лыддысьыслы вежöрас? Гашкö, кокныда лыддыссьö да. И гашкö, мый шуöма тан буретш сы йылысь, мый морт олöмын ставыс эм: и шудыс, и шогыс. Сöмын оз ков асьтö ассьыд дзедны, ог шу, йöзысь, найö и сідз съөлöмкылöмнас тырöмаöсь, тэ буретш асьтö аслыд вoсът. Лёк кө тэныд, синваыс кө кокнöдас – бöрд. Тэн кө долыд: радлы, нюмъяв, серав, съыв. Мый корö лолыд, сідз и вöч. Эн кут съөлöмкылöмтö, медясö, шогсö эн йöрт пыдö, мед он тыр бöрас жугыльнас. Юавласны менсьым, век-ö ме татшöм долыд. Абу, дерт, но помöдз вoсся сöмын матыссалы. Чойой тай шулас, а мыйла пö тэ йöзыслы он петкöдды, кутшöм збыльвылас йöйиник. Синваöс батö кулöм бöрти во вит эг вермы дзедны. Ас йöз орччөн, выль ёртъяс, Удораö ветлöм – ставыс тайö вочасөн бөр тыртіс лолöс шудöн. И öні бытöтö бара ола тырвийö. И лыддысьöс сідз жö кора лоны дзоньвидзаöн пытшкөссянь.

А кыз поэзö тыртны асьтö? Кысь корсьны шудсö? Ас гөгöрысь, вөр-ваысь, медводдза вöчöмъясысь. Шуам, мый менö век долымöдö? А буретш выльторйыс. Ме абу нин 18-25 арöса ныв, но век жö олöмыс чуймöдö. Неважөн бур ёрт, Кебраса енбиа съылысь Антон Куратовкöд öтвылысь артмис том йöзлы сійм «Надейтча» съыланкыв. Таво медводдзаысь ветлі том гижысьяслөн ставроссияса семинар вылö, зэв кажитчис, сы мында выль ёрт лоис да выль мөвп чужис. Кольöм кык гожмö ю вомön медводдзаысь варччылі да джуджыд судтаа керка вевт вылö кайлі копе юны, нимкодьясьны вoссысь карса мичнас. Век жö челядь чуймөдасны, мед оз вун, гижыштала блогйö либö блокнотö. Вөр-ваыс ышöдö. Сöмын колö аддзыны здук сувтыштлыны да видзöдлыны бурджыка. Мичсö апавны. Верöскöд пыжөн мöдам кывтны да, век аслым шуа, мый тайö мич радиыс колö бөр сиктö овны вуджны. Ветлыны колö орчча сикт-карö – быдлаын шензёданыс сюрас, сöмын колö вoссяöн лоны мичыслы, тыртны асьтö шуднас, мед жугыль кадö тайö мичыс буретш и ловзёдас тэнö, сетас вын овны водзö



Алёна Тувсовъялөн
коми блог



Печкан — аньлөн видзөг



Анна Шабалина

ас киён
вөчасьысь



Уна войтырлөн культураын печкөм – аньлөн символ, а печканыс вөли нывбабалы аслыспөлөс образөн. Сійөс топыда йитисны сөстөмлункөд, семьяпытшса бур олөмкөд, енмө эскөмкөд, пасьясын тыдовтчис аньлөн олан визь, челядьыс. Керкапытшса эмбурьяс пөвстын буретш печкан медтшөкыда мичмөдлісны. Тшапитөм, серпас, югыд да пемыд, уна сикас мыгөра, мукөддырйи сійөс мичмөдлісны рөмпөштанөн. Татшөм эмбур и керкатө мичмөдө, да и аньлы печкынытө долыдджык



сынана (гребеня) печкан




лопта печкан

Печкан пыр лыддыссис дона да бур козинөн: бать козьнавліс печкансө нылыслы, жөник – гөтырпуыслы, верөс – гөтырыслы. Кутшөм-сюрө инъясын, традиция серти, зон гөтрасьтөдз козьнавліс нывлы выль печкан, а важсө – мам-батьөн сетөмсө – чегліс.

Печкөм – уна кад босьтысь удж. Медым артмис шөрт коліс вөчны куимтор. Медводз нетшкыны, нюжөдны гынсө пратьө, сөсся гартлыны-быгльөддыны сійөс шөртө, а сөсся нин шөртсө гартлыны тупыльө. 16 килограмм зүдөс дасьтөм вылө аньлы ковмыліс матө 40 лун.

Печканъяс овлөны кык сикас: сынана (гребеня) (татшөмнас вөдитчисны Волга ю бокын) да лопта (тшөкыда паньдасьлө мян Войвылын, Уралын, Сибырын да Алтайын). Коми муысь печканъяс торьялөны мукөдысь асланыс ыджданас, найө матынөсь мыгөр серти-ыс Вөлөгдаса печканъяс дорө. Тайө эмбурсө вөчлісны өти ыджыд пу торйысь: лоптсө да коксө вундывлісны стволысь, пыдөссө – вужйысь. Мукөддырйи став юкөнсө вөчлісны торйөн, а сөсся нин өтлаөдісны

Важөн чайтисны, мый печкан оз на быд пуысь артмы – «лөк» пу вермис вайны аньлы шог. Та вөсна сійөс бөрийсы кывкутөмөн, корсьлісны «ловъя» пу. Кокыс кө абу шыль-ыд либө пожөмыс кык юра – печкан сыысь эз вөчлыны.



Лоплөн мыгөр вермис лоны
прямоугольной
увлань паськалысь
ёсь кор кодь

Вычегодской печканъяс

Вычегодской печканъяс аслыспӧлӧсӧсь. Коми Республикаса Национальной музейын 17 татшӧм печкан: Керчомъяысь, Куломдӧнысь, Бадӑельысь.

Серӧн мичмӧдӧм водзын печкан мавтлісны лӧз либӧ рудовгӧрд киноварной рӧмӧн. Медтшӧкыда татшӧм печканъяс вылын серпасавлісны кытшъяс да розеткаяс — шонді-лысь пас. Шондісӧ пыдди пуктылісны уна культураын, тшӧтш и комиын.



Межадорса колипкайяс

котыр — группа,
коллектив

сывны — петь

челядь — дети

Сыктыв районса Межадор сиктысь «Колипкай» котырлы тыри комын вит во... Тайö каднас челядьлөн котырыс сөвмис, быдмис, зумыда сувтис кок вылө. И öни татчөс артистъяс нимкодъмөдöны видзöдысьясöс. Сыктыв районын челядьлөн йöзкостса сьылысь татшöм сяма котырыс сöмын öти



Руй, руй, руй, руй,
Кытчö жö ветлiн?
Чипанöс корсьны.
Кутшöми жö чипаньд?
Кöнтусь сера.

Руй, руй, руй, руй,
Кытчö жö ветлiн?
Порсьöс корсьны ветлi.
Кутшöми жö порсьыд?
Зарни тшöтя.

Руй, руй, руй, руй,
Кытчö жö ветлiн?
Мöскöс корсьны ветлi.
Кутшöми жö мöскыд?
Чукля сюра.

Руй, руй, руй, руй,
Кытчö жö ветлiн?
Каньöс корсьны ветлi.
Кутшöми жö каньыд?
Налим сера.

Руй, руй, руй, руй,
Кытчö жö ветлiн?
Ванюшöс корсьны.
Кутшöми жö Ванюшыс?
Кудриа юрсиа.

Руй, руй, руй, руй,
Кытчö жö ветлiн?
Таняöс корсьны.
Кутшöми жö Таняыс?
Зэв ырьян.

Босьтöма
kotikuv.org сайтъсь

Медводдза веськöдлысьнас вöли ичöт классъяс велöдысь Гера Владимировна Морозова, а гудöкасысьнас — Коми Республикаса культураын заслуженнöй уджалысь Раиса Дмитриевна Сыскина.

1991 воö челядь котырлы сетiсны «Образцовöй» ним. Колö аттöавны Межадорса челядь садйын уджалысьясöс: буретш сэни ыджыд сямлун сетiсны посниуловлы, велöдiсны комиöн сывны да йöктыны, сöвмöдiсны енбиньсö.

Кöни сöмын тайö каднас эз петкöдчыны нывкаяс да зонкаяс: Москваын, Йошкар-Олаын, Петрозаводскын, Емдiнын, весиг ветлiсны ыли Тюменьöдз. Быд во сьылысь котыр пырöдчö «Юные дарования Сысолы» конкурсö, и дерт жö, петкöдлö ассьыс сямсö «Менам муза» праздник вылын, кодöс сiöма миян нималана земляк, И.А.Куратовлы. «Колипкайяс» быд

тулыс сьылöны-йöктöны «Гажа валяй» төв кольöдан гаж вылын.

Дас во нин уджалö челядькöд енбиа, унатор кужысь да ыджыд сяма том ань Ольга Егоровна Некрасова, а гудöкасьö Василий Николаевич Меньшенин. Быд программалөн подулыс — ас сиктын паськалöм йöзкостса коми сьыланкывъяс, ворсöмъяс да йöктöмъяс: «Руй-руй», «Козйö-козйö», «Öшкямöшка», «Гöра йылын оз выйим», «Паськыд гажа улича» да мукöд. Челядь сьылiгас ворсöны коми шылад инструментъясöн.

Ачым «Колипкай» котырö ветла көкъямыс во нин, мекöд öтгшöтш сьылöны-йöктöны 15 ныв да зон. Ми сьөлöмсянь радейтам петкöдчыны концертъяс вылын. Чайта, сьылысь котырлөн ставыс водзын на!

Таисия Некрасова,
Межадор школаса велöдчысь

Куим небөг

вөзйө Ирина Терентьева




Тайо петаслөн «Прөст кад» рубрикаын юörтам, кутшом небөггяс вөзйө лыддыны челядылы да томуловлы «Ми» котырын зильысь Ирина Терентьева




ЭЛИНОР ПОРТЕР
«ПОЛЛИАННА»
6+

Ар дасын лыдди Элинор Портерлысь «Полианна» роман. Тайо гижөдын петкөдлысьсö нывкалөн быдмөм-верстям-мөмыс: Полианналөн сьöкыд челядыдырыс, ичөтөн сийö кольö бать-мамтөг да веськалö овны тьöt дорас, кодi сийöс ньöти оз радейт. Но нывка коркö важөн нин батыслы сет-лöма кыв, мый быд лекторйын, быд неминуचाын сийö кутас корсьны кутшöмкö бур. И олөм чöжыс Полианна корсьö бурсö. И адзö! Дженьыдика кө — тайö романыс сы йы-лысь, кыдзи ичöt нывка велöдö овны верстьö йöзöс — небөггысь геройясöсөс тшöтш и лыддысьясöс.



АЛЕКСЕЙ ПОПОВ
«ШАНЬ ОЛЫСЯ»
0+

Висьтавын кө коми литература йылысь, то, дерт жö, вöзья лыддыны Алексей Поповлысь «Шань Олыся» мойд. Менам диплом уджöй вöли йитчöма тайö гижöднас. Казытывла, пер-войысь босьтчи лыддыны: босьтi карандаш да лист, мед вöчны пасйöдьяс.. Но сöмын мойд помланыс гөгөрвои, мый меным öд гижöдсö туявны колö, — сы выйöдз сюжетас пырöд-чи. «Шань Олысясö» поэьö лыддыны и шко-лаын велöдчысьяслы, и бать-мамлы, кодьяс узьöм водзын мыйкö лыддыны кагаыслы. Висьтыс велöдö ичöt лыддысьсöс лоны кыв-кутысьөн. Кутшöмкö здукьясö, тайö мойдсö лыддигөн, казытшгi Экзюперилөн «Малень-кий принц» йылысь. Сöмын коми ногөн, коми оласног да эскöмгяс петкөдлөмөн.



ДЖОАН РОУЛИНГ
ГАРРИ ПОТТЕР
ЙЫЛЫСЬ РОМАНГЯС
6+

Тöлысь сайын лыдди Гарри Поттер йылысь роман чукөр, водзынджык сöмын кино видзöдi. Лыддым бöрас гөгөрвои, мый небөггясас персонажысыс петкөдлöмаос тырвуйö, ёна интересöйджыка. Уна лоөмтор да стöчмөдан деталь киноас абу пыртöма. Ставлы, кодi сöмын коркö видзöдлiс плешас вурывса зонка йывсьыс фэнтези, вöзья лыддыны Джоан Роулингысь небөггяссö.



Темперамент – этшлөн подув

Лилия Попова

Чужлис Куломдин районса Скородум грездын

2018 воын гөрд дипломон помалис Питирим Сорокин нима Сыктывкарса канму университет психология ыргызь серти

Миян эраодз нельсё во водз на Гиппократ казялёма, мый йозос отамодсыс позьё торйодны нель сикас выло. Бурдодысь юклёма найос нель «пытшкөсса ва» серти: вир («сангвис»), кольквиж сөп («холэ»), улим («флегма») да сьод сөп («мелайна холэ»)

Гиппократ бөрся уна туялысь кутисны юкны йозос сангвиникьяс, холерикьяс, флегматикьяс да меланхоликьяс выло. И со миянөдз воис темперамент йылысь уна туялана удж, на отсөгөн психологьяс онөдз уджалоны чельдькөд да верстьё йозкөд.

Юр вемө нерв сияс кузя пыр воө быдпөлөс сигнал. Шуам, миянлы висьталисны шог юөр либө модарө, козыналисны дыр виччысянатор. Та йылысь сигнал нерв сияс кузя өдйө воө юр вемө, коді найос доньялом бөрын сетө органьяслы сигнал-индөдьяс. Юр вем «тшөктө» сьолөмлы өдйөджык тшкыны, коклы тэрыба пышйыны, вом дорлы – нюмьявны да сідз водзө... А буретш темперамент кывкутө сигналъяслөн өд да вын вөсна.

Ті өд, көнкө, асьныд казявлінныд, мый өти пөлөс юөрсьыс кодкө радысла чеччалө, а кодкө сөмын неуна нюмдө, а нөшта кодлөнкө весиг чужөмыс оз вежсьы, быгтьө и веськодь. Быд мортлөн нервнөй система уджалө ас өдөн: өтияслөн сийө өдйө садьмө-өзйө да зия и кусө, мөдлы колө унджык кад, но и кутчысьө сийө дырджык.

Медтшөкыда темперамент юкөны нель пельө:

ХОЛЕРИК. Веськыд сёрниа, лэчыд, чорыд кывья морт. Өдйө пузьө, но өдйө и кодзалө. Асныра, сетчытөм.


ФЛЕГМАТИК. Лөнь, сьөкыда велалө вьлиторьясө, выль йөз дорө абу сибьд. Татшөм мортлы сьөкыд вөчны мыйкө вьлитор. Вермө ошйысьны терпенньөөн, уджач.

МЕЛАНХОЛИК. Тшөкыда жугыль, вермас быдгорйысь бөрдзыны. Лөнь, дузьялысь, векджык ас пытшкас. Өдйө мудзө, дышиник.

САНГВИНИК. Бур дисциплинаа, сюсь. Кужө ёртасьны мукөд йозкөд. Оланруыс тшөкыдджыка кыпыд, но вермө и вежласьны.

Темперамент лөб этшлы биологическөй подулөн. Темперамент сетсьө чужигөн да оз вежсьы олөм чөжыс. А этш артмө кага быдмигөн нин, нервнөй сигналъяслөн өд да вын подулын. Этш сөвмө олөм чөж, ворсигөн да велөдчигөн, уджалигөн. Өдөба өзйысь холериклы зэв сьөкыд дыр лөня пукавны да вөчны кипод удж, а меланхоликлы сьөкыд гажөдчыны-йөктыны войбыд.

Ті тшөтш верманныд төдмавны асьыныд темпераменттө. Колө сөмын вочавидзны юалөмьяс выло да доньявны вочакыв. Видлөй, вермас лоны, ті төдмаланнөд ас йывсьыныд мыйкө вьлитор. Виччыся тиянлысь юалөмьяс lilya_brik11@mail.ru адрес кузя.



Гашкө, медся нималана серпас, көні петкөдлөма темпераментлысь 4 сикас, серпасалис Херлуф Бидstrup

(серпасыс өтувезйысь)

Төдмалам темперамент

1. ТЭ...

1. Лөнъ сяма да этшысь петгём, кутчысьсысь.
2. Быд удж вочан сьорсьон-бёрсьон, бура мөвпыштёмён.
3. Видзчысьсысь да мөвпавны кужысь.
4. Виччысьны кужысь.
5. Абу сёрниа, он радейт больгыны.
6. Сёрнитан шылыда, мытшөдьястөг, ки-кок-над вөрөдтөг, чужөмтө вочавтөг.
7. Авъя да виччысьны кужысь.
8. Быд удж вайөдан помөдз.
9. Вынтө весь он видз.
10. Оломад да вөчөмторъяд эм пөрадок да система.
11. Этшысь петөмысь кокниа кутчысян.
12. Кокниа кывзан ошкөм да пинялөм.
13. Воча он крукась, көть тэнö и дөзмөдөны.
14. Төдан, мый тэныд кажитчө и кодкөд көсьян ёртасьны.
15. Зэв сьёкыда вуджан отитор вөчөмсянь мөдторйө.
16. Быдөнкөд өти ногөн асьтө пуктан.
17. Радейтан пөрадок да быдторйын идөр.
18. Сьёкыда велалан выль инын.
19. Пыр кутан асьтө киад.
20. Выль йөзкөд вöляникысь төдмасын.

2. ТЭ...

1. Вежавидзысь да яндысьсысь.
2. Вошан выль ингысян.
3. Сьёкыда төдмасын выль йөзкөд.
4. Он эски аслад вынгясь.
5. Öткөн овны он пов.
6. Кор мыйкө оз ладмы, вошан да немтор он көйы вöчны.
7. Дзебсян ас пытшкад.
8. Öдйө мудзан.
9. Лөнъ сёрнитан, мукөддырйи весиг шөпкөмөн.
10. Воча сёрнитысьлысь этшсө аслыд босьтан.
11. Быдторсьыс синваыд доршасьө.
12. Сьёкыда кывзан ошкөм да видөм.
13. Унатор вочан ачыд, мукөдсянь тайөс жө виччысян.
14. Быдторйысь полан да майшасын.
15. Тэнсьыд кокни дойдны сьөлөмтө, перйыны сьөлөмкылөм.
16. Быдторсьыс өбижайтчан да дөзман.
17. Аслад сьөлөмкылөмъясөн некодкөд он юксы.
18. Этштө некөн он петкөдды.
19. Быдөнлысь кывзысян.
20. Көсьян, мед тэнö жалитисны да отсасисны.

3. ТЭ...

1. Он вермы пукавны өти инын, пыр педзан.
2. Он вермы кутчысьны, горзан.
3. Терпенньөтөм.
4. Зэв веськыда сёрнитан йөзкөд.
5. Водзмөстчысь да повтөм.
6. Асныра.
7. Кужан дорйысьны вензигөн.
8. Уджалан кватласьөмөн, кадысь кадө.
9. Нинөмысь он пов, рискуйтан.
10. Он казыгив важсө, быдтор вылө он дөзмы.
11. Öдйө да торксялөмөн сёрнитан.
12. Öдйө пузян, асьтө кутны он вермы.
13. Немтортөг кольөм он радейт.
14. Пинясысь морт.
15. Кужан вочавны чужөмтө.
16. Ставсө вочан падъявтөг да повтөг.
17. Пыр выльторйө суйсян.
18. Ставсө вочан зэв öдйө да резкөя.
19. Көть кыдзи, а воөдчан ас водзад пуктөм могөдз.
20. Лунтырнас унаысь вежсьывлө сьөлөмкы-лөмыд.

4. ТЭ...

1. Радлан оломлы да сералан.
2. Инад өшйыгтөм да төдан аслыд дон.
3. Он быд удж вайөд помөдз.
4. Асьтө неуна вылөджык пуктан.
5. Öдйө төдмалан выльтор.
6. Интересьясыд да көсийөмъясыд вежласьё-ны.
7. Кокниа петан мытшөдьясысь.
8. Быд лоөмторйысь он падмы, а корсян петан туй.
9. Быд выль уджө кутчысян окотапырысь.
10. Дышөдө кө вөчөмторйыд, öдйө көдзалан.
11. Зэв öдйө босьтчан өти уджсянь мөд уджө.
12. Зэв öдйө дышөдө өти и сийө жө уджыс.
13. Сёрниа да ставлы отсасын, кокниа воан өти кывйө төдтөм морткөд.
14. Уджач да унатор вöчны кужысь.
15. Сёрнитан öдйө, гораа, кинад петкөдлан, чужөмтө быд ногыс вөчалан.
16. Сьёкыд лоөмтор дырйи некутшөм сьөлөмкылөм он петкөдды, кужан асьтө кутны.
17. Пыр кышыд руа.
18. Öдйө садьман да öдйө унмовсян.
19. Он и мөвпышт, öдйөджык вөчан.
20. Удж вөчигөн верман ылавлыны.

Вочавидз юалөмъяс вылө, быд лөсялана висьталөм дорө колө пуктыны «+» либө «—». Вочакывъяс арталөм бөрын А. Белов серти вөзийм тест отсалас гөгөрвоны тэныд, кутшөмджык темпераментыд

Став «+»-сө өти юкөн серти содты, а сэссия юк нельбан юкөнсьыс став «+»-ыслөн лыд вылө

Артмөм лыдпассө умножит 100% вылө

Вочакывйыс артмас татшөм формула серти:

$$T = 36\%X + 35\% C + 15\% \Phi + 14\%M$$

Артмө, мый тi 36% вылө холерик, 35% вылө сангвиник, 15% вылө флегматик да 14% вылө меланхолик

Тиян лыдпасыс лоас асланыд



Даниил Литвин

«БобОНянь»
пекарнян
веськөддлүс,
пусьыс-пөжасьыс

Өмидза маффин

«Чөскыд» рубрикаын Даниил Литвин велөдас пусьыны-пөжасьыны. Рецептясыс абу сьөкыдөс, став коланаторыйыс эм гортад либө лавкаын. А нөшта Даниил пусьө дзоньвидзалун йылыс мөвпалөмөн. Талун шеф вөзйө пөжавны со татшөм чөскыд маффин.

МИЯНЛЫ КОВМАС: 200 гр. выльвөв, 2 ыджыд пань сахар, 50 гр. сывдөм вый, разрыхлитель, 50 гр. рудзөг пызь, 150 гр. еджыд пызь, 2 чипан кольк. Рач, маффиньяслы ичөтик формаяс



Гудралам выльвөв, сахар да сывдөм вый, содтам разрыхлитель. Сюся лыддөй, мый гижөма пачкаас — найө овлөны уна сикас, кымын ковмас разрыхлительыс — лыддөй инструкцияыс. Бара на гудралам, ставыс кө лючкиладнө, няньшом неуна быгзяс.

Водзө содтам кыкнан пөлөс пызьсө, бура гудыртам да содтам кык чипан кольк. Нөшта өтчыд ставсө гудралам да содтам водзвыв сывдөм кынтылөм өмидз. Вотөссө позьө бөрийыны ас окота серти: оз (сөмын зыртөмөн), чөд, сэтөр.

Гудрасным артмас шөркодь: абу кизьөр ни сук, видзөд, мед няньшомас эз кольны пызь ёкмьяс.

Босьтам рач, тэчам сэтчө ичөтик формаяс (миян пөжасян кабалаыс). Няньшомсө кыс-там пөшти чуркйөдзыс — сийө вывти ёна оз кай. Шонтам пач 180 градусөдз да пөжалам маффиньяс 10-12 минут.

Мичмөдам нөкйөн либө вотөсөн да чөсмасям чай юигмоз ☼

ЛОК ТАТЧӨ

СТИЛЬНАЯ КОЛЛЕКЦИЯ




Снимок Вячеслав Изъюрвлён

реклама

ЭН ВИСЬ

COVID-19 ыджыдало мир пасьтала. Март толысьо коронавирус воис и Коми муодз. Журнал сдайтан луно республикаын нёрпаліс оти морт. Унаон бурдоны висьмом бөрын, но вирусис вермо и ёна тшыкодны дзоньвидзалунто. Кызди видзны асьто да матыссатө, лыдды тайо лист бокысь

COVID-19 ыдждөдөмон



Кызгөн да несьялігөн тупкыс салфеткаон либо гырдазаон

Тшөкыда мыськы китө майтөгөн либо зырав спирт сора гудрасон. Эм кө ки вылад вирусис, татшом ногөн сыыс мынтөдчан.

Эм кө позянлун, эн ветлы йөзаинө, сулав мөд мортысь 1 метрысь ылынджык. Торйон нин кор кодкө кызө, насмукаа да температураа. Мыйла? Кызгөн либо несйөдлігөн мортыс пазөдө ас гөгөрыс посни войтгяс, көні и паныдасьлө вирусис.

Эн вөрөд кияснад чужөмтө. Мый сөмын ог вөрөдөй да кытчө сөмын ог инмылой наон! Тадзи висьомыс и пысасьо. Кызди тайо артмө? Кор матыстан киястө вом, ныр, син дорө, ки кучик вылысь вирусис пырө организмад.

Кызгөн да несьялігөн тупкыс ныр-вомтө. Тупкыс салфеткаон либо гырдазаон. Няйт салфеткасо дзик пыр шыбит вевта ёг чукортанино. Та бөрын мыськы киястө майтөгөн либо зырав антисептикөн. Мыйла тайо колө? Кор ныр-вомтө тупкан, вирусис оз пасьав.

ТӨД ВЫЛӨ

— Кайис кө температура, ёна кызөдө, сьөкыда лолавсьө, дзик пыр шыөдчы бурдөдысь дорө. Юөрт, вөлін кө суйөр сайын либо паныдасьлін сэтгысь воөм морткөд, коддысь аддзисны висьомсө.

— Кывзы COVID-19 йылысь бөръя юөръяссө да кут төд вылад бурдөдысьяслысь вөзйөмгьяссө. Специалистгяс төдөны, кызди паськалө вирусис. Тайо юөрсө вермасны сетны и удж вылад.

— Ветлін кө неважөн (14 луныс эз на коль) COVID-19 вирус паськалөм страна-районө, кут төд вылад: лои кө лёк, кольчы гортад бурдөдз, көть и неуна висьө юрыд либо босьтис насмука. Тайо колө, медым мукөдыслы оз вудж висьомыс.

— Вылө кайис температура, кызөдө, сьөкыда лолавсьө, дзик пыр шыөдчы бурдөдысь дорө. Гашкө, тэнад респираторой либо мөд полөс сьөкыд висьом. Медводз звөнитлы бурдөдчанино да висьтав, ветлін-ө кытчөкө, кодкөд сёрнитин-паныдасьлін. Тадзи бурдөдысь өдйөджык вермас ыстыны торъя больничаө. Тадзи жө вируса инфекцияыс озджык паськав.

ВОЗ-лөн өтувезыын юөр серги

Лёк ногӖн дурӖм бурӖдз оз вайӖд

ТелефоннӖй терроризм – тайӖ кор телефон пыр, висътасътӖг (анонимнӖя) юӖртӖны, мый дасътыссьӖ террористическӖй акт, мыж вӖчӖм либӖ взрывнӖй устройство уна йӖзаинӖ пуктӖм йылысь.



Медводдзавысь «телефоннӖй терроризм» термин кывсис 2001 вося сентябрь 11 лунӖ, кор США-ын лои ыджыд теракт. Мирса уна страналӖн полиция юкӖнъясӖ воисны телефон пыр анонимнӖй юӖръяс, мый дасътыссьӖны терактъяс.

ТелефоннӖй терроризмлӖн медшӖр могъяснас лоӖны лёктор вӖчны кӖсйӖм, зэв колана объектлысь либӖ мероприятиелысь уджсӖ торкӖм, торъя мортӖс шантажируйтӖм, спецслужбаяс ковтӖг корӖм.

ТшӖкыда телефон пыр звӖнитчӖны-дурӖны челядь. Мыйла найӖ тадзи вӖчӖны? Медым торкны велӖдчӖм, кыпӖдны паника, дурны «заклад вартӖм» вылӖ, а сӖсса бокисянь видзӖдны-серавны и татшӖм ногӖн, чайтӖны, мый кыпӖдӖны асьнысӖ ӖтшӖтшгъяс водзын. Но артмӖ мӖдарӖ.

Томулов оз гӖгӖрвоны, мый татшӖм ногӖн торксӖӖ аэропортлӖн, кӖрт туй вокзаллӖн, электростанциялӖн уджыс, вайӖ ыджыд сьӖм воштӖм; спецслужбаяс оз вермыны ас кадӖ бырӖдны збыльвывса лоӖмтор; уна йӖзаинын вермасны лоны доймалӖмгъяс.

КолӖ тӖдны, мый быд татшӖм ковтӖм звӖнитлӖм лыддыссьӖ мыж вӖчӖмӖн, и сысь колӖ кывкутны. Эм весиг Россияса УголовнӖй кодексн 207-Ӗд номера статья.

14 арӖссянь нин мыж вӖчысь том мортӖс вермӖны пуксьӖдны дзескыдӖнӖ. 14 арӖс тыртӖдз ныв-зон понда кывкутӖны мам-батыс. Торкин кӖ велӖдчанӖнлысь уджсӖ да эм кӖ нин 15 арӖсыд, вермӖны весиг вӖтлыны велӖдчанӖнсыд. ВзорвитӖм, ӖзтӖм, уна йӖзлы лёктор вайӖм йылысь телефон пыр юӖрысь тыр арлыдаясӖс штрапуйтасны 200 сюрс шайт вылӖ либӖ 18 тӖлысся удждонтӖ кутан вештыны государстволы. УджтӖмалыссяслы ковмас 480 час мырсъыны государстволы. Вермасны и пуксьӖдны Ӗтисянь куйм воӖдз, Ӗрд туялас тӖнсыд мыжтӖ да. ВывтӖ ыджыдтор кӖ вӖчин – штрапыс Ӗти миллион шайтӖдз каяс, да вермасны и дзескыдӖнӖ пуксьӖдны вит во кешлӖ.

Дона Ӗрт, тӖд телефоннӖй терроризм йылысь да некор ковтӖг эн звӖнитчы! Висътав сы йылысь и Ӗртъясыдлы. Лёк ногӖн дурӖмды бурӖдз оз вайӖд!

СНИМОК ВЫВСЯНЬ ВИДЗӱДӱ...



Матыстчӱ тшупӱда пас: сизимдас вит во сайын мир пасьтала горалис дыр виччысяна Победа. Такӱд йитӱдын «Йӱлӱга» юӱртӱ журнал «Снимок вывсянь видзӱдӱ...» конкурс йылысь. Ми кӱсьям, мед, челядь да мам-бать восьтисны важ альбомъяс да казтыштитисны найӱс, кодъяс видзӱ-дӱны миян вылӱ войнадырся снимокъяссянь

Виччысям тиянсянь войнадырся снимок да сы дорӱ гижӱд. Юксӱй миянкӱд, кодӱ тайӱ снимок вылас, мыйӱн тӱдчана фотоыс, кутшӱм казтылӱмъяс ськӱд йитчӱмабсь. Мед тайӱ небыжыд висьгалӱмыс лоас вояс пыр йитӱдӱн.

Снимок дорӱ корӱмъяс: .jpg файл (ёна корам снимоксӱ сканируйтны, телефонӱн вӱчӱм фотоыс артмӱны омӱля). Тӱдса кӱ, кор да кӱнӱ вӱчӱма снимоксӱ, пасйӱй и тайӱ юӱръясӱ тшӱтш.

Текст дорӱ корӱмъяс: 1.200-1.500 шыпас (пробельясӱн) — тайӱ матӱ 150-200 кыв, гижӱдыс комиӱн.

Текст улын пасйӱй удж дасьтысьлысь ним да ов, арлыд, велӱдчанӱн либӱ уджаланӱн. Уджсӱ кӱ отсалӱс лӱсьӱдны велӱдысь, быть пасйыны и сылысь ним, вич, ов.

Уджъяс донъялам арлыд серти нӱль тшупӱдӱн: 1-4 классъясын велӱдчысьяс, 5-8 классъясын велӱдчысьяс, 9-11 классъясын велӱдчысьяс да студентъяс, верстьӱ. Уджъяс виччысям 2020 вося май 1-ӱд лунӱдз.

Снимокъяс да гижӱдъяс ыстӱй электроннӱя либӱ бур качествоа печатайтӱмӱн пошта пыр.

Миян электроннӱй пошта куд: yologa@mail.ru (письмӱ темӱ индӱй «Снимок вывсянь видзӱдӱ...» конкурс вылӱ). Миян адрес: 167000 Сыктывкар, К.Маркс ул., 229-ӱд номера керка, 420-ӱд жыр, «Йӱлӱга» журнал редакция.

Медым ышӱдны тиянӱс пырӱдчыны конкурсӱ, ми «Йӱлӱгасаяс», юксям жӱ сӱлӱмлы донса снимокъясӱн.

Медся-медсяыс и вермӱ лоны Геройӱн

Киян кута война кадся снимок. Сӱнӱ менам семьяысь петӱм Сӱветскӱй Союзса Герой — Георгий Фӱдорович Тимушев.

Батьлӱн дядь (менап пӱчлӱн вок) ичӱтсыньыс бӱж моз ветлысьлӱма бать бӱрсяыс, пыр мыйкӱ юасьлӱма, велӱдчӱма уджавны кинас, ёнмӱдӱма асьсӱ уялӱмӱн да ислаӱмӱн, кыйлӱма чери. Радейтӱма математика, школа помалӱм бӱрас пырӱма велӱдчыны Коми пединститутӱ физико-математика факультетӱ.

Мӱд онас заводитчӱма война... Студентъяс пӱшти став курснас вӱзйысьмаӱсь фронт вылӱ. Георгийӱс мӱдӱдӱмаӱсь Архангельскса военно-инженернӱй училищеӱ. Недыр кад велӱдчӱм бӱрын сийӱ лоӱма сапӱръяслӱн взводса командирӱн.

Том, повтӱм, сюсь, унатор кужысь морт фронт вылын вермис петкӱдлыны асьсӱ сӱмын медся бур боксянь. Некумын тӱлысь мысти нин Георгийлы Украинаса Михайловка дорын боевӱй операцияыс сетӱмаӱсь «За отвагу» медаль, нӱшта кад кольыштӱм бӱрын Днепр ю форсируйтӱгӱн — «Гӱрд Звезда» орден. А Серет ю вуджигӱн том сапӱрлысь взводсӱ мӱдӱдӱмаӱсь разведкаӱ — корсьны миян войскалы мӱдар берегӱ вуджанӱн, ӱд поскыс минируйтӱма. Георгий аддзӱма петан туй — понтон пыдди чери киян пыжъяс ӱтвӱтӱмӱн салдатъяс да техника вуджӱмаӱсь мӱдлапӱлӱ да дзык пыр сувтӱмаӱсь вӱрӱглы паныд. Таысь Георгийлы сетӱмаӱсь Геройлысь ним!

Но сӱк жӱ Георгий Фӱдорович вӱлӱ вежавидзысь мортӱн, пыдди пунктис матыссасӱ да асьсыс землякъясӱ.

Надежда Пунегова

Тайо снимок вылын — мян медмуса да ра-дейтана поль Николай Васильевич Микушев. Шань сёлёма, абу ёна варов. Видзёдам сы выло да мовпалам, мыйта сьёкыдсё сийо венис война дырйи, кор сийос, томиник зонмос, Корткерос районса Сюзяыб грездысь нуисны фронт выло.

1942 вося август төлысын дедёлы вёли сёмын 17 арос. Сэки сийос да ськөд тшөтшгья зонмос нуисны вёлөн Шойнатыса военкоматё. Сэсся «Бородино» паракодён воёдчисны Сыктывкарөдз. Дедё тшөкыда казтывлис, кор пö вөрзёдчим, ставныс уськөдчисны палуба веськыд бокланьыс, көни берег вылын сулалисны мянөс кольёдысь бать-мам, чой-вок. Весиг паракодыс пöлынтьчис, муртса эз пөр. Коді шогсь, коді бөрдө. А сэсся став призывникыс горөдिसны важся сьыланкыв. Сьылыгырйи и мунисны Сыктывкарөдз, а сэсянь — Княжпогостөдз. Водзё нуисны Вөлөгда обласьтса Грязовец карө, кытөн вит төлысь чөж велөдिसны военной уджө.

Декабрь төлысын дедёос ыстөмаөсь война выло, веськалөма луныв фронтса гвардейской часьтө. Та бөрын ыстөмаөсь Сталинградской фронтө, сэсся — Украинаө. Ростовна-Дону, Новочеркасск, Донбасс карьясын сийө вөлөма передовыйн.

Тавося Май 9 лун коймөдысь нин кутам пасйыны мян муса пөльтөг, 2017 воын июнь 25-өд лунө сийө кувсис. Миян паметьö нэм кежлө кольö совет салдатгяслөн да прөстөй йөзлөн подвигыс. Муөдз копыр ставныслы, кодыс отсалисны пасьвартны фашистгясөс да шедөдны Победа!

Николай Васильевич Микушевлөн внучкаяс —
Екатерина да Антонина



Кык вижөдөм, важмөм нин снимок... найö зэв дөнаөсь менам семьялы. Öтиас мам серти дед — Семён Прокопьевич Мишарин, мөдарас бать серти прадед — Кирил Ионович Игушев. Кыкнанныс чужлисны Ыджыдвидзын, кыкнанныс дорйисны Чужан му вөрөгьыс, но фронт вылысь бөр воис сөмын Семён Прокопьевич.

Ичөтик снимок вылын сулалөны военной формаа кык морт. Шуйгавылас Семён Прокопьевич, дорас — Пётр вокыс. Вояс вуштөмаөсь снимок бөрө карандашөн вөчөм гижөдсө. Но век на позьö лыддыны матыс-саяслы сийөм кывъяс, на улын пасйгөма — 7.09.1944. Сизимдас квайт во сайын ыли муын госпитальын аддзысьөмаөсь кык вок. Куим во нин мунө война, дедө эз нин өтчыдысь ранитчыв, лоасны нөшта на дойяс. Но тайö здукö ськөд орччөн вок, эм на кад варовитыштны да гижны чужан сиктö письмө, а сідзкө, ставыс бур.

А мөд снимоксө аддзи медводдзаысь сөмын кольөм во — таөдз весиг эг төд, кутшөмөн вөли Кирил Ионович. Прадед чужлөма 1904 воө, фронт вылын служитлөма радөвөйөн. Юöрыс сы йылысь зэв этша. Паметь Книганын ичөтик пасйөд: уси тышын, Волхов кар дорын 1943 вося март 23 лунө... Но тайö кывъяс да лыдпасъяс, а снимок вывсянь вояс пыр видзөдө шөр арлыда, веськыд видзөдласа мужичөй... Быттьö сэтшөм төдса морт — Кирил Ионович Игушев — менам прадед...

Мария Игушева

Войвыв муглӧн сӧрпасастьяс



Юлия Никитина — сӧрпасастьясь, преподаватель. «Полуночная земля», «Дневник штормов», «Книга тела», «Путешествия чародея» комиксысьлӧн автор. Сӧрпасастьясь Яльмар Бергманлысь «Сказки о троллях и эльфах», Крис Аверлысь «Сезон дождей», лӧсьӧдӧс-мичмӧдӧс «Северная сказка» сериысьсь небӧгъясь. Юлия чужис да быдымис Салехардын, велӧдчис Тюменьын, помалӧс велӧдчӧмсӧ Санкт-Петербургы. Тайӧ лист божас йӧздам «Дневник штормов» небӧгысь некымын лист бок. Тайӧ небӧгсӧ 2019 воын лӧдзис «Бумкнига» йӧздӧчан керка

